

周

官

恒

解

四川總督 臣錫良跪

奏爲故紳學行可風懋

恩宣付史館立傳以勵儒修恭摺仰祈
聖鑒事竊據四川在籍紳士翰林院編
修伍肇齡胡峻庶吉士顏楷等呈稱
已故國子監典籍劉沅四川雙流縣
人。生秉異姿幼承禮訓夔聲譽序早

登拔萃之科振藻藝林旋列賢書之
薦道光六年選授湖北天門縣知縣
不願外任改國子監典簿廉退本於
性成孝行孚於鄉里裁成後進親炙
者數千人著作等身手訂者百餘卷
優游沐德純固葆真念懿行之宜彰
懼遺書之就失謹呈該故紳所著易

書詩三禮春秋恆解暨四書恆解孝
經直解古本大學質言史存等書共
十一部計一百四十三卷並開具事
實清摺呈請具

奏前來

臣

覆查該故紳劉沅至性純厚

內行篤誠編纂羣經歷耄年而不倦
楷模多士育英俊以成材允足標示

夫儒風宜荷

褒揚之令典合無仰懇

天恩俯准將已故國子監典簿劉沅遺書

事實

宣付史館立傳以勵潛修出自

鴻施逾格除將該故紳遺書事實清冊咨

送

皇太后

皇上聖鑒訓示謹

奏光緒三十一年十月二十四日奉
硃批着照所請該衙門知道欽此

中書科中書臣劉相文敬刊

國史館本傳

劉沅字止唐四川雙流人乾隆五十七年由拔貢中式舉人道光六年選授湖北天門縣知縣安貧樂道不願外任改國子監典簿尋乞假歸遂隱居教授博覽羣書過目不忘人咸服其淹洽兄潛嘉慶元

年進士由庶吉士改工部主事屢
書超其北上沅日顯揚之事兄已
遂矣犬馬之養願得身任之母向
氏邁疾困瘁沅求索醫藥不遠千
里齋戒請禱朝夕弗遑母病尋愈
其事親敬養兼隆克論於道兄弟
之閒力行仁讓兄沒撫猶子如己

出姪婦孀居無子急爲立嗣飲食
教誨勞怨不辭宗族鄰里助其婚
嫁喪葬者不一而足先是沅幼羸
善病父汝欽精易學洞澈性理謂
河出圖洛出書聖人則天實天啟
聖人以明道化不僅在數術也伏
羲主乾南坤北文王主離南坎北

卽先天後天所由分且連山首艮
歸藏首坤艮止坤藏之義卽大學
止至善中庸致中和之學文王之
緝熙敬止成王之基命宥密胥不
外此沅因仰承庭訓更求存養之
功內外交修久而知愚必明柔必
強仁者壽大德必壽聖人窮理盡

性神通造化非若道流欺世之談也讀左氏傳至劉子曰民受天地之中以生所謂命也稱其言至爲精粹於四子書中極爲發明如以集義爲養氣之原斥修士爲襲取以反身而誠欲仁仁至必有事焉勿忘勿助長等語爲治心之本殊

釋子之頑空又謂喜怒哀樂之未
發謂之中發而皆中節謂之和積
中以求和則可寡尤悔以底於純
粹而無欲且能知行合一以身教
人故師取者多此理其解經盡除
門戶之見不苟異同務求當於經
義乃至語氣抑揚之間必悉脗合

論史事如湯武放伐其先本自爲
一國不過以小事大並非以臣伐
君夷齊叩馬不見經傳史記但因
采軼詩而記之然謂當取信於六
藝則史公固不信此事故引孔子
求仁無怨之言以駁之其他所發
明多類此又以老子書每多誤解

明瞿曇氏亦有人倫謂學者但學
孔氏而釋道之眞者卽不能出此
範圍僞託者不得藉口以爲世害
成都南郭外漢昭烈祠墓傾圮沅
鳩率修治因撰明良志畧闡蜀漢
討賊之義以正三國志之誤平日
裁成後進循循善誘著弟子籍者

前後以千數成進士登賢書者百
餘人明經貢士三百餘人薰沐善
良得爲孝子悌弟賢名播鄉閭者
指不勝屈咸豐中侯官林鴻年爲
雲南布政使至蜀得沅書讀之驚
喜求問時沅已死因受業於沅弟
子內閣中書劉芬盡購其書去及

罷官歸遂以其學轉相傳習閩人
稱沅爲川西夫子云所著書有周
易恆解六卷詩經恆解六卷書經
恆解六卷周官恆解四卷儀禮恆
解四卷禮記恆解十卷春秋恆解
八卷四書恆解十卷大學古本質
言一卷孝經直解一卷史存十六

卷槐軒文集四卷詩集二卷約言
一卷拾餘四種二卷又有蒙訓豫
誠堂家訓保身立命要言下學梯
航子問又問俗言等篇皆言顯理
微足資啟發咸豐五年卒年八十
有八沅先無子六十後連舉八男
皆能傳其學長子崧雲咸豐二年

舉人沅是科重宴鹿鳴儒者榮之
椅文拔貢小京官同治庚午舉人
桂文光緒丁丑進士厯官編修御
史梧州府知府棟文順慶府訓導
棋文櫛文生員孫咸榮拔貢咸煖
舉人咸燿咸燁俱生員

周官恆解序

天道不言而萬物生生化
化流行於無窮者何也一
元之氣無終無始其流行
於品物而大著於人倫者

各安其所各有其宜聖人
本此而立爲治道是以堯
成輔相俾天地之功用不
虛而民生之性命各正蓋
自羲皇以來聖神遞興法

制漸備至周而乃集其大成矣秦皇肆虐古制蕩然漢購遺經周官最爲晚出疑之者頗多然皆未得乎聖人之德而第卽文字以

相衡者也夫人爲萬物之
靈天地之心聖人全人道
而通天道故無一念不合
乎天卽無一事不當乎理
而由是推己及人盡性參

贊自郊廟朝廷以暨於民
生日用無不爲之制節使
歸中和唐虞三代之隆未
有不由此者也特養立而
後教行正己而後物正故

大學之道無上下尊卑同
之聖學不明則所以正心
修身者無其本而徒求之
文法曷怪其紛紜而錯謬
哉王莽篡亂安石虛誣乃

欲假此以欺當時而宇文
氏之徒亦欲彷彿是豈知
萬理統於一誠綱常必先
自立寤寐所懷慚卽海隅
所共見乎朱子以此書爲

運用天理爛熟程子亦言
有睚麟之意然後可行周
官蓋皆有以見於其難矣
而自買賣民田貧富不均
刑名相襲禮樂既無其本

則止書所言已幾同於畫
餅我

朝

聖聖相承心法治法悉侔往聖
純皇帝欽定義疏廣大精微誠于

古所未有也第卷帙浩繁

初學驟難研覽沅稍通其

說間與門人商確遂筆記

之不覺久而成書然荒陋

實多不敢問世也同學喜

其便讀遂傳抄焉禁之不
可思之有愧 大雅君子
其垂教而原宥之乎

道光十九年陽月穀旦

雙流劉沅識

周官恆解

凡例

一王者代天理物凡一切制度必準天心天理以安人物
唐虞建官惟百孔子稱其成功文章巍巍煥乎則凡養
教之法悉已備矣三代因之隨時損益微有不同其大
經大法固已在於前聖範圍之中周公成文武之德制禮
作樂折衷前代適合乎中因恐聖王之法久而漸敝後
人無所折衷故命史臣輯爲此書其名曰周官明其爲
周之官制也至修身齊家禮節樂和一切之事皆倡之

自上市之自下君相師儒同歸此道亦各盡其道所以
道一風同仁義禮樂之事人人習爲固然後世正心誠
意本原之學不講僅區區於法制之間詳爲經營卽董
威亦弗能正故此書所云僅爲故紙而已欲行此書之
政者其必從事大學之道而後可

一漢武帝求遺書得周官五篇司空職云漢人以考工記
補之然其義不全不得名爲冬官也宋元明諸儒又分
割五官以當之尤非

一周官有古文今文蓋劉向已校之本爲今文舊爲古文

然其違異者特一二字句耳於義無損故今概從今文解之

一治天下不外養教二字安民居利民生而後可以立教周制比閭族黨之法至詳至善所以易興禮樂後世用不均養不贍則教民也難而誠正修齊之道又無其本則上之人無以作之則而善其施矣觀此書養教之法者當思何以端其本焉

一周官大宰之職最重然必聖王在上德修而知人乃能選用大賢如堯得舜舜得禹皋陶統制百官輔成邦治

後世無正身之學所任非人百弊叢生故冢宰之職或專任之而敗或弗任之而亦敗讀此書者其詳求其本焉

一 周官晚出劉歆王安石以匪人而倣用之至於敗壞於是人多指摘其書程子張子亦謂有漢儒增入者然考其文義殊不然也因意義之未通遂並其書而斥之愚不敢然

一 周家官制公卿大夫士而已自公而外其餘皆以上中下爲等周官所稱各職其重要者必慎選其人其餘或

官不必備一人而兼攝數事至職稱人者不過民間隨地居止之人爲之如今制書吏差役保正等人非官也歐陽公疑周官設官太多蓋未知此義

一非周禮者自臨孝存何休以來不下數十家然皆未知聖人之心卽天地之心其立法之意悉準天理非天理爛熟固無以知之也凡篇中後人指摘者必詳正之庶聖人之心不沒掩於庸眾人之口

一王安石襲王莽之弊政而假託於周官

御纂義疏總辨甚明康成之註及諸儒訓解實多有未安者

今擇別其是非而述之其或有窳易原註字句者或句
中有疵或以便文義之順悉無成心焉識者鑒之

雙流劉沅識

周官恆解卷一

天官冢宰序官

雙流劉沅輯註

惟王建國辨方正位體國經野設官分職以為民極

辨本亦作

辨平

勉反

建立也建國統指王畿及諸侯之國而言辨方辨其天
時地利之所宜正位正其南面聽政之位體形體體國
經野以國為體既正其宮寢朝市等處而遂經畫郊野
以為鄉遂都鄙徑畛溝洫之屬為民極為民標準四方
望以取
正也

乃立天官冢宰使帥其屬而掌邦治以佐王均邦國

帥所
津反

治直吏反
下治官同

天官以其德總御眾猶天道統理萬物也冢宰大宰宰有專制調和之義其屬見下文邦治王畿之治均平也邦國兼內外大小諸侯而言

治官之屬大宰卿一人小宰中大夫二人宰夫下大夫四

人上士八人中士十有六人旅下士三十有二人府六人

史十有二人胥十有二人徒百有二十人大音泰又如字有音又胥思餘

反

鄭康成曰變冢言大者百官總焉則謂之冢列職於王則稱大冢大之上也山頂曰冢旅眾也下士拾眾事者自大宰以下轉相副貳皆王臣也王之卿六命其大夫四命士以三命而下為差左府治藏史掌書者凡府史皆其官長所自辟除胥徒民給役者胥讀如諧謂其才知為什長陳氏友仁曰天地春秋四官自卿至旅下士凡

六十三人而府史胥徒止百五十人蓋吏役如是足也
吏省則祿易給有祿則知自愛漢猶倣此意吏皆自重
賢人君子往往出其間王氏志長曰周制下上與庶人
在官者同祿官與吏無甚異西漢去古未遠公卿大夫
多出胥吏而儒雅賢厚之人亦多出於史博士弟子之
明經者多補大守卒史東漢流品漸分然胡廣為郡散
吏袁安世傳易學為縣功曹應奉讀書五行並下而為
郡決曹吏王充徐稗皆為從事功曹不以為屈無他始
有祿以養其廉後有功名之途以盡其用然
則周官之史胥不以卑冗限其終身可知矣

宮正上士二人中士四人下士八人府二人史四人胥四
人徒四十人宮伯中士二人下士四人府一人史二人胥

二人徒二十人

正取其正宮中之官屬而名也伯長也副宮正而為眾
官之長蓋合宮府之地職事諸官辨其賢否而告大宰

以黜陟之者宮正也統宮中給衣服飲食宿衛之官而
時其糾率者宮伯也二人之下又共有九十五人以供
使令乃足以糾察多人也

膳夫上士二人中士四人下士八人府二人史四人胥十
有二人徒百有二十人庖人中士四人下士八人府二人
史四人賈八人胥四人徒四十人內饗中士四人下士八
人府二人史四人胥十人徒百人外饗中士四人下士八
人府二人史四人胥十人徒百人亨人下士四八府一人
史二人胥五人徒五十人

膳市演反庖蒲肴反賈音嫁徐
音古下同饗於胥反下同亨音

庚反

膳之言善也味之美者也膳夫辨之庖人
製之熟食曰饗味至多而以穀食為主故以饗名官內
主王及后世子之食外主外祭祀及邦饗之類亨人工
於亨者蓋物品有宜於亨者庖人或不盡治故又為此
官蓋養生重事天子為天地人神之主安可不慎然
皆以士為之與後世視為賤役者異矣

甸師下士二人府一人史二人胥三十人徒三百人

鄭康成曰郊外曰甸師猶長也主供野物官之長愚按
主天子藉田及宮府穀食之屬故重之而官師非特庄
供野物也天子藉田千畝及公田之屬亦多必三百人乃給也

獸人中士四人下士八人府二人史四人胥四人徒四十

人

賈氏公彥曰掌器田職以共膳羞
獸非常用常得之物故其屬較寡

司官既詳
天官序官

三

敝人中士二人下士四人府二人史四人胥三十人徒三

百人鼈人下士四人府二人史二人徒十有六人數本作

敝鼈卑

列反

魚必養而後用苑囿池沼其地不一故人較多鄭氏錡曰龜蜃之類莫不有甲名官特以隨者龜以下蜃以飾器不專於食有甲之美而食者眾無如鼈

腊人下士四人府二人史二人徒二十人腊音

腊乾肉也經夕而成故云腊

醫師上士二人下士四人府二人史二人徒二十人食醫

中士二人疾醫中士八人瘍醫下士八人食如字

瘍音羊

醫師眾醫之長食醫和調飲食疾醫治疾瘍醫治創痍
人在天地氣化之內不能無感於沴戾醫師蓋深明乎
陰陽之義者故總其成食醫治病於未然疾醫瘍
醫治病於已然所以調護君身故統於大宰也

獸醫下士四人

牛羊犬豕之屬或供上用馬以載輦故亦有醫

酒正中士四人下士八人府二人史八人胥八人徒八十

人酒人奄十人女酒三十人奚三百人

奄平仄兩音奚如字又胡禮反

酒以供祭祀賓客其製不異固必精潔尤戒淫醜故設酒正而佐以中士下士其府史胥徒皆辨其物而防其弊者也酒人以下則製酒之人奄宦人女酒女之善治酒者奚宮女之賤者蓋酒正百一十人特辨酒品味及分給用酒之事於外酒人三百四十人則製酒於內

漿人奄五人女漿十有五人奚百有五十人

漿子
良反

古無茶飲每用漿其製
不一亦宮女等掌之

凌人下士二人府二人史二人胥八人徒八十人

凌吏應
反字從

冰或力
升反

凌人掌納冰出冰及
祭祀養膳用冰之事

籩人奄一人女籩十人奚二十人

籩竹器容四升其實
果穀魚鹽餌餐之屬

醢人奄一人女醢二十人奚四十人醢人奄二人女醢二

十人奚四十人鹽人奄二人女鹽二十人奚四十人

醢呼
改反

醴木又作

醴呼西反

醴肉醬莖乾肉雜以梁麴及鹽漬以美酒塗置瓶中百
日則成醴酢味也鹽所以調和食物醴醢醢皆所以調
和飲食輔養王躬故重其事
而皆以奄人及女宦為之

冪人奄一人女冪十人奚二十人

冪莫
釋反

冪以巾覆飲
食之物也

宮人中士四人下士八人府二人史四人胥八人徒八十
人掌舍下士四人府二人史四人徒四十人幕人下士一
人府二人史二人徒四十人掌次下士四人府四人史二
人徒八十人

幕模鄂反
舍去聲

宮人安息王身幕人掌帷幕鄭氏錡曰舍者久留之辭次者暫止之義出而會同賜或留之久故有掌舍以為衛出而祭祀暫止而已故有掌次以為儀

大府下大夫二人上士四人下士八人府四人史八人賈

十有六人胥八人徒八十人大府之大音 泰又如字

鄭康成曰大府為治藏之長若今司農賈氏公彥曰有賈人府官有市買須知物貨善惡也

玉府上士二人中士四人府二人史二人工八人賈八人

胥四人徒四十有八人

凡玩好貨賄器用之物掌之以待天子賞賜羣臣諸物惟玉為難得故名以玉府也

內府中士二人府一人史二人徒十人外府中士二人府

一人史二人徒十人

御案內府掌受九貢九賦九工之貨賄此皆生於天時產於地利成於人功所謂財用之大源下之所以其上也外府掌邦布之人出以取輕重以均貴賤以通有無所謂財用之大權上之所以制下也自外而藏諸內故曰內府自內而布諸外故曰外府

司會中大夫二人下大夫四人上士八人中士十有六人

府四人史八人胥五人徒五十人會古外反凡要會會計之字皆放此

會計也總計天下財賄之所入而稽其用度凡王及冢宰所布之治皆得攷數焉

司書上士二人中士四人府二人史四人徒八人職內士

士二人中士四人府四人史四人徒二十人職歲上士四

人中士八人府四人史八人徒二十人內音

司書主會計之籍職內主人職歲主出納御案不日職出而曰職歲者歲有豐凶所出一以歲為準也

職幣上士二人中士四人府二人史四人賈四人胥二人

徒二十人司裘中士二人下士四人府二人史四人徒四

十人掌皮下士四人府二人史四人徒四十人

陳氏傳良曰古者禮費皆以皮幣為主出入之數大較與貨賄相敵故亦屬於大宰皆司會為之長

內宰下大夫二人上士四人中士八人府四人史八人胥

八人徒八人內小臣奄上士四人史二人徒八人

內宰凡宮中奄暨與諸嬪婦皆統治之而正其禮儀然其官屬皆在外廷內小臣則近內廷而又擇奄之賢者

四人便易
糾察宮內

開人王宮每門四人圍游亦如之寺人王之正內五人內

暨倍寺人之數

開音昏 音由寺 石異反暨蜀羽反

鄭康成曰開人司晨昏固御苑游離宮寺之言侍也正內路寢暨未冠者之官名王昭禹曰門守尤宜於昏故曰開人愚按奄閭寺皆宦官也以其精氣閉藏名曰奄閭守之寺人選王躬故別之以示重

九嬪世婦女御

嬪皮 因反

嬪婦人之美稱媼服也服事於夫也御猶侍也愚按天子有后有夫人有嬪后與君敵體夫人亞於后而可以正位乎內嬪亦有德可以相君者其世婦及女御雖非無德然次於后夫人嬪矣昏義云古者天子后立六宮

同官

天官序官

三夫人九嬪二十七世嬪八十一種妻以聽天下之內
治以明章婦順言天子之后立六宮之官如此其先儒
誤會以為備天子之御如此豈不謬哉此惟嬪
言九而他不同其數則昏義所云亦未必實也

女祝四人奚八人女史八人奚十有六人祝之六反

祝主宮中祈祝之事
女史書王后言動

典婦功中士二人下士四人府二人史四人工四人賈四

人徒二十人典絲下士二人府二人史二人賈四人徒十

有二人典桌下士二人府二人史二人徒二十人桌絲里反

鄭康成曰典婦功主婦人絲桌功官之長賈氏公彥曰
絲桌有善惡貴賤故須賈 御案典婦功為布帛之總
司則布帛之入尙有當整治者故有工四人典絲桌則
不煩設工也王氏昭尚曰一蠶所吐為忽五忽為糸二

系為絲絲所以為帛陳氏傳良曰此三職悉用士人先
王以是為奢儉所係內治所關非士大夫為之恐書國
政惟與內宮相關通如內司服縫人之類必
不得已乃用奄耳布之美惡易辨故不設賈

內司服奄一人女御二人奚八人縫人奄二人女御八人

女工八十人奚三十人

縫扶容反

鄭康成曰司服主宮中裁縫官之長賈氏公彥曰衣服
事多須男子兼掌以與婦人共職故用奄女御即上文
女御擇其中二人為內司服非
別一項也此二職皆內人為之

染人下士二人府二人史二人徒二十人追師下士二人

府一人史二人工二人徒四人屨人下士二人府一人史

一人工八人徒四人夏采下士四人史一人徒四人

染曰跪反

又曰掩反追都隈反屨九

裕反夏戶瓦反采此海反

王氏應電曰染人司嬪婦染練之事追治玉石之名蓋

以為飾者賈氏公彦曰屨人掌王及后之屨鳥者鄭氏

康成曰禹貢徐州貢夏翟有虞氏以為綏

後世或無故染鳥羽象而用之謂之夏采

周官天官序官終

周官恆解卷一

天官冢宰

雙流劉沅輯註

大宰之職掌建邦之六典以佐王治邦國

六典見下文典定於天子而云大宰建之者任總羣職非有德則將廢矣邦王國邦國兼侯國言而官府萬民在其

一曰治典以經邦國以治官府以紀萬民二曰教典以安邦國以教官府以擾萬民三曰禮典以和邦國以統百官以諧萬民四曰政典以平邦國以正百官以均萬民五曰刑典以詰邦國以刑百官以糾萬民六曰事典以富邦國

以任百官以生萬民

反教官府之教不聲擾曰查

治典一切制度灋令之事經猶治絲而分其條理治有所遵經不敢越紀各安職業而不紊教典教民之事邦國各能教民則安官府萬民良楛不齊教之則馴而易治禮典五禮之事因人情而為之節文情文浹洽故和統範而操縱之諧合而歡悅之政典隨時政事時勢情事不無變易隨時經紀而布政不平者平不正不均者正刑典刑罰之事邦國不遵王制及百官萬民有罰過者詰之刑之糾之事典農桑器用等事以其自民為之故曰事任百官百官董勸各任其事也此六典大概言治天下有此六典非謂六官也前人分屬六官蓋思教禮政刑豈能獨用即六官所屬無非交相輔濟非謂各事其事此外不相關涉也即以治典屬冢宰核之大宰建邦之六典矣而又獨任治典其所職按之多不合他放此弊出不知聖人本身作則治天下如運掌之義故分配而實不通明者辨之

以入瀛治官府一曰官屬以舉邦治二曰官職以辨邦治
三曰官聯以會官治四曰官常以聽官治五曰官成以經
邦治六曰官瀛以正邦治七曰官刑以糾邦治八曰官計
以弊邦治

鄭氏鑄曰官其所命之名府則官之所居官府者治之
所由出瀛不行於官府民不可得而治矣故別立八瀛
以致治必自此始也官屬官各有所屬分任而後政舉
官職名有所職各盡其職而得失可辨官聯有當眾法
之大事會而稽其善否官常各官皆有其所當常行之
事聽核而治之官成各官所職之事必成而後禪國濟
民一定之理故曰經官瀛各職所主之瀛度不可違越
故曰正官刑壞瀛亂紀則罪之糾正其邪也官計即三
年大計弊斷也綜其
績之美惡而斷之

以八則治都鄙一曰祭祀以馭其神二曰濇則以馭其官
三曰廢置以馭其吏四曰祿位以馭其士五曰賦貢以馭
其用六曰禮俗以馭其民七曰刑賞以馭其威八曰田役

以馭其眾馭魚 慮反

則循濇也都鄙公卿大夫之采邑及王子所食之邑以
其有邑都焉則謂之都以其在王國之鄙則謂之鄙馭
猶馬之在馭使無僭差也鄭康成曰祭祀其先君社稷
五祀濇則其官之制度賈氏曰宮室車旗衣服之等皆
不得僭也吏府史胥徒之屬廢其不賢者置其賢者士
俊選也由論秀而游升之任之以祿取下曰賦供上曰
貢時其豐歉而酌其盈虛禮俗風俗不同因其俗而節
文之以中禮刑賞必本於至公至正雖貴不私然後人
知畏敬故曰馭其威田役簡閭
教令之使民知尊君親上之義

以八柄詔王馭羣臣一曰爵以馭其貴二曰祿以馭其富

三曰予以馭其幸四曰置以馭其行五曰生以馭其福六

曰奪以馭其貧七曰廢以馭其罪八曰誅以馭其過孟行下

權操於此而機應於彼若器之有柄八者皆王所以操

縱天下之權也然且有時自用而失中故大宰詔王焉

爵以待有德德尊則爵益尊而貴祿以待有功功多則

祿益厚而富子賜子言行有善則賜予之出於常祿之

外故曰幸幸其蒙賞益勉於善也置置之於位行賢行

生謂究抑者幾死而蒙昭雪也奪不稱職而奪其祿鄭

康成曰廢猶放也誅責讓也王氏曰誅言其意殺言其事

以八統詔王馭萬民一曰親親二曰敬故三曰進賢四曰

使能五曰保庸六曰尊貴七曰達吏八曰禮賓

統猶率也王時行以率民又統率之而使不渙也親一本九族之親故故舊賢有德者能有才者庸有功者貴朝廷所命者吏列職於下者八者自天子以至於庶人皆當為之上之人既躬行矣而令民皆如此則賢才無滯禮讓成俗

以九職任萬民一曰三農生九穀二曰園圃毓草木三曰

虞衡作山澤之材四曰藪牧養蕃鳥獸五曰百工飭化八

材六曰商賈阜通貨賄七曰嬪婦化治絲枲八曰臣妾聚

斂疏材九曰開民無常職轉移執事圃邦古反音布毓占青字藪述苟反收目

茂爾音蕃扶元反飭音勅賈音古斂去聲

職業也任力之所能勝也人人有所居之分位即有當為之事業故曰職鄭氏眾曰三農平地山澤也九穀黍

稷稊稻麻大小豆大小麥鄭康成曰樹果蘇曰圃園
 樊也王氏昭禹曰毓者順其性而養之賈氏公彦曰堂
 山澤之官曰虞掌川林之官曰衡王氏昭禹曰作為之
 起之之謂也蓋非特順其天性又加栽培壅漑之功使
 各遂其生各適其用鄭康成曰澤無水曰藪牧牧出在
 遠郊皆畜牧之地御案放飼得宜曰養胎卵滋生曰
 蕃鳥獸皆謂家畜飭致其力化易其形八材金石珠玉
 木革羽象也行曰商處曰賈聚而盈之曰阜遷就不措
 曰通自然之質曰貨人工所為曰期嬪婦人之美稱化
 變其質治治為材王氏曰絲繭之已纁者泉麻之未績
 者臣妾對天子而言凡男女之無位者皆是聚斂蓄積
 也疏材蕉葛可布草根木實可食者御案轉移如今
 之擔夫騾夫車戶船戶皆是自此輸彼以物之多寡路
 之遠近而受其庸直此等亦勞所必需自當有不愛田
 者為之以其在前八者之外故曰闕民

以九賦斂財賄一曰邦中之賦二曰四郊之賦三曰邦甸

卷之九 賦 一 天官

之賦四曰家削之賦五曰邦縣之賦六曰邦都之賦七曰

關市之賦八曰山澤之賦九曰幣餘之賦削本亦作稍又作都所教反幣

必藝反又必世反

上取於下曰賦財賄猶貨賄也邦中六鄉之地四郊六遂之地去國二百里邦甸公邑之田所在去國二百里家削家邑之田所在去國三百里都縣小都之地去國四百里邦都大都之地去國五百里以上即載師任土之灋皆以時而徵其賦關市山澤則在田都之外幣餘給公事會計之美餘本所故有既出之而復入之故亦稱賦焉李氏叔賢曰以九賦繼九職任之而後可以斂之也愚案此言凡賦統於大宰大約有此九等至各賦自有專官也

以九式均節財用一曰祭祀之式二曰賓客之式三曰喪

荒之式四曰羞服之式五曰工事之式六曰幣帛之式七
曰芻秣之式八曰匪頒之式九曰好用之式
芻楚紆反頒音班好呼報

式猶準則也均之使各給節之使不過亦言大宰總其
濶耳其各式互見各官荒凶年羞飲衣服衣服工治器
用者草曰芻穀曰秣養馬牛者匪分也頒
賜也謂不時之賞賜好用燕好所賜予

以九貢致邦國之用一曰祀貢二曰嬪貢三曰器貢四曰
幣貢五曰材貢六曰貨貢七曰服貢八曰旂貢九曰物貢

旂音游

祀貢祭祀所需若包茅之屬嬪貢絲枲也器貢凡器用
之屬幣皮幣之屬材卉木竹籥之屬貨貢金貝之屬服

繕若織編之屬旃羽毛之屬物雜物國用必不可少者此歲貢之常致因其所有而致之不責以所無也

以九兩繫邦國之民一曰牧以地得民二曰長以貴得民

三曰師以賢得民四曰儒以道得民五曰宗以族得民六

曰主以利得民七曰吏以治得民八曰友以任得民九曰

數以富得民繫音計

兩兩相繫屬也彼此相須而後聯屬有情之謂牧謂鄉大夫以下有牧民之責者各有分邑以地賦民民亦賴其地以宅身長若鄉遂大夫之屬為一鄉所貴民尊其貴己亦以貴臨馭之也師儒無權而賢有德者儒有道者民自尊而屬之宗大宗小宗為一族之尊己亦須正身以率而民始尊之也主公卿大夫其家臣等奉以為主蒙其利以生而上亦以利繫屬之也吏閭師旅師及都鄙邑宰之屬能治其民民亦繫屬之也友同井同學

者皆是彼此相任而情誼以篤藪材物所聚民取資焉其官云繫者皆言民身心有所繫屬而不渙散之意

正月之吉始和布治於邦國都鄙乃縣治象之灋於象魏

使萬民觀治象挾日而斂之縣音懸挾子協反字又作泮

正月周建子之月吉朔日始和一陽初生其氣始和也布治以一年所當行之事頒於邦國都鄙其王國則縣治象之灋於魏闕使民觀之而侯國則必告朔而後縣之也挾日十日斂斂象魏所縣之灋魏闕縣象故曰象魏亦曰觀蓋古者無文牒方策以紀事而每年所行治灋則天子於歲前頒之諸侯受而藏之告朔而後以示民蓋大經大灋永久弗易而每年民事隨時變通者不同故如此也若後世則歷書通行不必然矣

乃施典於邦國而建其牧立其監設其參傳其伍陳其殷置其輔乃施則於都鄙而建其長立其兩設其伍陳其殷

置其輔乃施濩於官府而建其正立其貳設其攷陳其殷

置其輔

監平聲參三同傳音附

鄭康成曰乃者更申勅之蓋建牧立監等事早已於封
建時定之而每歲更申勅之也牧九州之牧謂諸侯也
監命卿命自天子為諸侯監也鄭康成曰參三卿伍五
大夫股眾也謂眾士輔府史庶人在官者長公卿大夫
食采邑者立兩卿不足於諸侯正謂冢宰司徒司馬之
屬貳謂小宰小司徒之屬攷成也佐成事者謂宰夫鄉
師肆師之屬愚按都鄙小於邦國故言則官府守濩而
後能盡其職鄭氏鏗曰牧長正皆以建言之如建國之
建不可得而動搖意監兩貳皆以立言之如有所立不
可得而傾仆意參伍攷皆謂之設布置之之意獨邦國
之伍以傳言之蓋大國既設三卿矣五大夫又附於三
卿之下使有所依附之意殷曰陳謂其眾也輔曰置謂
其賤也爵有尊卑
辭有輕重以別之

凡治以典待邦國之治以則待都鄙之治以灋待官府之治以官成待萬民之治以禮待賓客之治

總承上文而言典則灋等大宰特總其成耳鄧氏元錫曰待謂灋具於此待事至而應之也

祀五帝則掌百官之誓戒與其具修前期十日帥執事而卜曰遂戒及執事既滌濯及納亨贊王牲事及祀之日贊玉幣爵之事祀大神元亦如之享先王亦如之贊玉几玉

爵帥率同既視同元祇同各職俱放此

五帝五行之精分司丑方之氣五時者順時令以宣化則各於其時其方祭之鄭康成曰誓戒要之以刑重失禮也其所當共修掃除糞酒前期前所諷之日十日散齋七日致齋三日執事宗伯大卜之屬既卜遂戒百官

以始齋及執事及將祭而各任其事之時大宰則既滌
濯器具之人潔否及納牲將告殺時則贊君牽牲玉幣
所以禮神爵所以獻齊酒大神祇天地也玉几所以依神如之如祀五帝也

大朝覲會同贊玉幣王獻玉几玉爵大喪贊贈玉含玉作
大事則戒於百官贊王命王既治朝則贊聽治抵四方之

聽朝亦如之舍本又作
哈戶暗反

朝覲會同兼常朝及王巡方言鄭康成曰玉幣諸侯享
幣玉獻獻國珍異亦執玉以致之玉几王所依也立而
設以優尊者玉爵王禮諸侯之酢爵王朝諸侯立依前
南而其禮之於昨階上贊助嗣王爲之贈玉既寔所以
送先王含玉死者口實御案作大事大封大役大寇
大戕皆當戒百官而贊王命也命辭雖內史爲之而大
宰必佐王定謀申警也鄭康成曰治朝在路門外四方
之聽朝王巡守在外時愚案贊聽治者亦王有失誤以

時補救
之也

凡邦之小治則冢宰聽之待四方之賓客之小治歲終則
令百官府各正其治受其會聽其致事而詔王廢置三歲
則大計羣吏之治而誅賞之

鄭康成曰大事決於王小事冢宰專平歲終周季冬月
也會計也 御案正其治正其所當爲之事聽其致事
聽其所已爲之事廢退不職者置使居職任事每歲終
已有廢置矣三歲又綜計其功罪而誅賞之呂氏祖謙
曰冢宰大計羣吏之治而小司徒徒先自考其屬正其要
會而致事小司寇命其屬入會而治事下至宮正醫師
亦會其行事稽其行事又設司會以執其總以鉤考之
而詔王及冢宰廢置可見成周各考於一職之長而後
考於一官之長考於一官之長如肅考於司會而後達
於冢宰蓋考其屬於下則詳而難欺提其綱於上則簡

而易見而又俱考於司會則參
互而徧察無所容其抵冒矣

小宰之職掌建邦之宮刑以治王宮之政令后宮之糾禁

凡言建者司其事而審定以施之宮刑王宮中之刑政
令宮正宮伯所掌及膳夫以下凡有職業者皆是糾禁
已發則糾斷之未發則禁飭之葉氏時曰小宰貳大宰
首王宮之刑禁蓋侍御僕從一有不正皆足懸君上而
生心害政故宮刑雖王宮
之禁而實以格君心之非

掌邦之六典八灋八則之貳以逆邦國都鄙官府之治執

邦之九貢九賦九式之貳以均財節邦用

逆賈氏曰迎受勾考之使知功過所在鄭氏鏞曰典灋
則者治之本也從則治違則亂待其已違則亂已生攷
之不亦晚乎小宰故逆而攷之大宰以典灋則總治體
小宰則察其奉行之實大宰以貢賦式制國用小宰則

察其均節之
宜故曰貳也

以官府之六敘正羣吏一曰以敘正其位二曰以敘進其

治三曰以敘作其事四曰以敘制其食五曰以敘受其會

六曰以敘聽其情

敘秩次也羣吏六官之屬位班位治功狀王氏應龍曰復逆白事有輕重緩急不得撓越作其事各官職事有大小遲速當率作申戒制其食收其勤惰工拙為之下上其食受其會即下文受羣吏之要贊豕宰受歲會也聽其情凡公私故自以次第聽而察其是否

以官府之六屬舉邦治一曰天官其屬六十掌邦治大事

則從其長小事則專達二曰地官其屬六十掌邦教大事

則從其長小事則專達三曰春官其屬六十掌邦禮大事

則從其長小事則專達四曰夏官其屬六十掌邦政大事

則從其長小事則專達五曰秋官其屬六十掌邦刑大事

則從其長小事則專達六曰冬官其屬六十掌邦事大事

則從其長小事則專達長知
及

官盛任使故有屬然後治可以舉六十舉其成數概言之大事從其長則體尊小事得專決則職盡不然尊者繁而中者懈矣

以官府之六職辨邦治一曰治職以平邦國以均萬民以

節財用二曰教職以安邦國以寧萬民以懷賓客三曰禮

職以和邦國以諧萬民以事鬼神四曰政職以服邦國以正萬民以聚百物五曰刑職以詰邦國以糾萬民以除盜賊六曰事職以富邦國以養萬民以生百物

官各有職蓋其職而後事治大宰建之小宰核之也治職治之使不亂平各安其治均各得其願節各守其節教職以教化爲職卒教則安馴教則寧威悅故懷禮職修明禮度循禮則邦國與民和諧鬼神亦以有禮福之政職修舉政令凡政令足以使人感畏故服無敢越畔故民正無苛擾故物聚刑職不率者罰之詰察其奸糾正其失除去其害事職該一切瑣細之事而言工聚則富利興則得其養濼立則途其生此六職卽大宰所建之六典前人分配六官然六官之職互相爲用政教禮刑非判然而不相爲用斤斤分配於義反多不安故弗從之也

以官府之六聯合邦治一曰祭祀之聯事二曰賓客之聯事三曰喪荒之聯事四曰軍旅之聯事五曰田役之聯事

六曰斂弛之聯事凡小事皆有聯弛入聲

聯會合而成事也 御案朝廷之有百官猶人身之有百體臂動而指隨肱行而踵舉右有所事左必繼之耳之所聞目亦注之運動屈伸不假指揮而無不如意則官聯之謂也祭祀賓客六者其事尤繁必各贊襄以成事而凡小事皆有聯則六者特舉其大者言之耳

以官府之八成經邦治一曰聽政役以比居二曰聽師田

以簡稽三曰聽閭里以版圖四曰聽稱責以傳別五曰聽

祿位以禮命六曰聽取予以書契七曰聽賣買以質劑八

曰聽出入以要會

政音征比昆志反責側賣反傳音附別

賈氏曰八者皆舊法成事依時行之以經紀政治賦

也役起徒役比居伍籍也師所以用眾田所以簡眾簡

猶閱也稽猶計也會計其卒伍閱其兵器為之要簿也

在鄉為閭在遂為里版戶籍圖地圖稱謂稱貸責謂債

負二者以傅別之券聽之傅附之於書若今契也別判

之為兩若今合同契也禮有數命有等祿位視此以制

取予謂官物也凡有所予取為之書契以稽質質其事

劑平也質人云大市以質小市以劑大市人民牛馬之

屬用長券小市兵器珍異之物用短券蓋賣買易欺偽

有以質之而劑之乃平出以給用入以貯藏月計曰要

歲計曰會上取予以一物言此出入以總數言也李景

齊曰周公制作凡所為織悉委曲者不獨為一時言實

為後世慮教化之乎者誠不待要約之圖而後世誠信

已薄則文籍之可稽猶足以濟治道之窮春秋諸侯僭

竊猶知惡其籍則簡書之可畏亦足

以維持人心周公可謂長慮者矣

以聽官府之六計弊羣吏之治一曰廉善二曰廉能三曰

廉敬四曰廉正五曰廉灑六曰廉辨弊必

辨反

鄭康成曰聽平治也弊斷也賈氏曰計計其功過多少而聽斷之御案官府上羣吏之治狀而小宰聽之斷以六計也善有德能有才敬不懈正無邪曲灑精於灑辨明於是非

以灑掌祭祀朝覲會同賓客之戒具軍旅田役喪荒亦如

之七事者令百官府共其財用治其施舍聽其治訟凡祭

祀贊王幣爵之事裸將之事凡賓客贊裸凡受爵之事凡

受幣之事喪荒受其舍禋幣玉之事裸古亂反

禋音遂

裸以鬯鬯之酒灌地以求神也惟祭天地用秬鬯而不灌其他王以圭瓊酌鬯鬯獻尸尸皆受以灌地降神王

薦玉幣爵而小宰贊之王酌鬱鬯以裸而小宰將之將送也贊執以授王使薦獻不失其節將奉以受尸大宰無裸將之事其所贊者主祀五帝言之天神不裸也惟人道宗廟有之然宗廟之裸大宰贊王亦不將送其將者小宰也賓贊裸諸侯來朝朝享既畢王禮之有此裸酢之禮受爵諸侯酢王于受之受爵廟中行三享時之幣幣以帛琮以錦之類贊贊王也喪王喪諸侯諸臣有致含襚幣玉之事荒凶年諸侯亦有致幣玉之事口實曰含衣服曰襚

月終則以官府之敘受羣吏之要贊冢宰受歲會歲終則令羣吏致事正歲帥治官之屬而觀治象之灋徇以木鐸曰不用灋者國有常刑乃退以宮刑憲禁於王宮令於百官府曰各修乃職攷乃灋待乃事以聽王命其有不共則

國有大刑

於每月之終使官府以其尊卑之敘致其簿書之要以
 助大宰歲計之會於一歲之終使羣吏致其一年之功
 狀以待大宰之考正歲建寅之月大宰既縣象矣小宰
 則帥所屬以觀之振木鐸以警之既退獨以宮中之刑
 縣禁於王宮使治事於王宮者共喻焉鐸皆以金為之
 以木為舌曰木鐸宣文教以金為舌曰金鐸宣武教

率夫之職掌治朝之灋以正王及三公六卿大夫羣吏之
 位掌其禁令敘羣吏之治以待賓客之令諸臣之復萬民
 之逆

治朝在路門外灋謂其事當聽於治朝者其進呈取旨
 皆有灋度掌其禁令糾正之也羣吏自士而下言之治
 職事也諸臣受命來報者曰復下臣據情入告者曰逆
 御案諸臣萬民之復逆王與冢宰聽斷之其事施行

必下於羣吏故叙羣吏之治以待之諸臣舉復萬民
逆互文也諸臣復多逆少萬民復少逆多各以多言之

掌百官府之徵令辨其八職一曰正掌官灋以治要二曰

師掌官成以治凡三曰司掌官灋以治目四曰旅掌官常

以治數五曰府掌官契以治藏六曰史掌官書以贊治七

曰胥掌官敘以治敘八曰徒掌官令以徵令才

灋反

徵有其人令使承其事也王有徵召命令於百官府宰
夫則辨別於八職以分屬其人也正六官之長即大宰
所謂建其正者也要綱領也師六官之貳為眾職所效
灋之名所謂立其貳者也凡謂事之約畧司各司其職
事即所謂設其攷者也目謂事之科條旅兼上中下士
所謂陳其殷者也數謂事之多寡府主蓄藏者史起文
書草者胥為什伯之長徒供奔走之役皆大宰所謂置
其輔者也御案正與司同曰官灋者灋之定則正下

於司以布之灑之行則司報於正以質之無二灑也師
則掌已成之科條所以佐正之不逮而分其任也旅則
舉其常數而已契以為質則庫藏無假冒之弊書以記
事則政治無遺闕之虞事有次敘之先後政有使令之
緩急以官敘治之則不
紛以官令徵之則不怠

掌治灑以攷百官府羣都縣鄙之治乘其財用之出入凡

失財用物辟名者以官刑詔冢宰而誅之其足用長財善

物者賞之

辟旁益反又柄
肆反長知丈反

鄭康成曰羣都諸采邑也六遂五百家為鄙五鄙為縣

言縣鄙而六鄉州黨亦存焉乘猶計也辟名詐為文書

以空作見賈氏曰宰夫勾考之官冢宰制國用故宰夫

計財用以核其實而誅賞之失財謂貨賄失物謂器物

失用謂濫用所用不之為足有餘為長物無虧損為善

物御案長財不虧折也非多收少給入重出輕以圖

盈

以式瀦掌祭祀之戒具與其薦羞從大宰而祗滌濯

小宰以瀦掌祭祀之戒具矣而宰夫復覈其詳果如式瀦否薦脯醢也羞庶羞內羞也

凡禮事贊小宰比官府之具凡朝覲會同賓客以牢禮之

瀦掌其牢禮委積膳獻飲食賓賜之餼牽與其陳數

比必里反

委於偽反積子賜反此二字相連皆同食音嗣殽音孫

鄭康成曰比校次也御案凡禮事即小宰職之七事

其具小宰以瀦掌之宰夫則贊而比其善惡是否鄭康

成曰牢禮之瀦多少之差及其時也牛羊豕三牲具為

一牢委積謂牢米薪芻給賓客道用也膳獻禽羞俶獻

飲食燕饗殽客始至所致禮賓賜有司

所賓天子所賜陳數所陳多寡之數也

凡邦之弔事掌其戒令與其幣器財用凡所共者

鄭康成曰弔事弔諸侯諸臣幣所用賻也器所致明器也凡喪始死弔而含綵葬而賵贈其間加恩厚則有賻焉

大喪小喪掌小官之戒令帥執事而治之三公六卿之喪與執喪帥官有司而治之凡諸大夫之喪使其旅帥有司而治之

鄭康成曰大喪王及后世子小喪夫人以下小官士也治謂共辨旅謂下士愚按大喪小喪皆謂王屬小官任治而宰夫又掌其戒並躬率執事以治之其他則或帥官有司治之或使其旅帥有司治之蓋喪禮繁重周尤重之必使其盡誠盡禮也

歲終則令羣吏正歲會月終則令正月要旬終則令正日
成而以攷其治治不以時舉者以告而誅之正歲則以灋
警戒羣吏令修宮中之職事書其能者與其良者而以告
於上

鄭康成曰歲終周季冬也正猶定也旬十日不時舉慢
令失時者以告於大宰正歲建寅之月能有才良有德
也者

宮正掌王宮之戒令糾禁以時比宮中之官府次舍之眾
寡爲之版以待夕擊柝而比之國有故則令宿其比亦如

之比必里反舍試
夜反析他郝反

見字互解 一天宮

宮正宮中宿衛之長承小宰所布之政而親為戒令糾
 禁王氏曰戒其怠忽令其有為糾其緩散禁其勿為是
 也比校也鄭康成曰校次其人之在否官府之在宮中
 者膳夫玉府內宰內史之屬次諸吏直宿之所舍退息
 之處版其人之名籍待戒令及比也柝戒行者所擊
 比之恐其有解惰故非常也 御案平時當直者番更
 代有故則 盡入宿衛

辨外內而時禁稽其功緒糾其德行幾其出入均其稍食
 去其淫怠與其奇衰之民會其什伍而教之道藝月終則

會其稍食歲終則會其行事行下孟反稍所孝反去起呂

外內以地言辨其為在內在外之人而禁其非時出入
 功緒職業之條理德行品誦幾察其出入分給其祿儀
 淫放濫怠解慢也民宮中吏之家入吏在宮其家人或
 因繇為不正故禁去之五人為伍二伍為什會台之使

常相識相習學道義理藝六藝教之使皆為正人會其
稍食視其工拙勞逸而上下之會其行事綜其賢否而
賞罰之

凡邦之大事令於王宮之官府次舍無夫守而聽政令春
秋以木鐸修火禁凡邦之事蹕宮中廟中則執燭大喪則

投廬舍辨其親疏貴賤之居

蹕音畢

大事謂祀與戎使居其處以聽所使凡食必待火熟養
生尤重之故四時改火必異其物以順天時修火禁者
以此而一切戒備火災之事亦具焉必於春秋者火星
以春入以秋入亦順其時也邦事朝祭之事王出入有
蹕宮正則司執燭也廬倚廬在路門外東壁舍室室兩
下為之與廬異親者貴者居倚廬疏者賤者居室室

宮伯掌王宮之士庶子凡在版者掌其政令行其秩叙作

其徒役之事授八次八舍之職事若邦有大事作宮眾則令之月終則均秩歲終則均叙以時頒其衣裘掌其誅賞

伯長也官伯宮正之貳士衛士也庶子國子之倅及公卿大夫之庶子凡在王宮之版籍者宮伯皆得掌之也掌其政令使更番輪值之有常行其秩叙使資格歲月之有等作其徒役使徼巡奔走之不倦次宿衛之所舍休沐之地八者王宮之四角與四中也職事衛士應有之職事大事謂寇戎作起也月終均其祿秩宮正即據之以會稍食歲終均其能否宮正即據之以會行事夏有衣裘有裘惰有誅勤有賞誅罰也陳氏傳良曰環衛有二等一是公卿大夫之子弟分置八隅宮伯領之一是官府凡在宮庭諸徒役錯置於士庶子八次八舍之間周列環衛宮正領之二者皆總於冢宰至人主切身侍衛僕從則掌於大僕

膳夫掌王之食飲膳羞以養王及后世子凡王之饋食用

六穀膳用六牲 飲用六清羞用百有二十品珍用八物醬
用百有二十饗王日一舉鼎十有二物皆有俎以樂侑食
膳夫授祭品嘗食王乃食卒食以樂徹於造王齊日三舉
大喪則不舉大荒則不舉大札則不舉天地有裁則不舉

邦有大故則不舉 膳市演反食音嗣造作早

膳夫食官之長食飯飲酒漿膳牲肉羞有滋味者王尊
而後妃王世子為天下本故兼養之進物於尊者曰饋
六穀稻粱菽麥黍稷六牲馬牛羊雞犬豕六清水漿醴
醪醬醢也羞以特禽珍謂淳熬淳母炮豚炮牂擗珍漬
葵肝膏醬醯醢醢也品物饗之多蓋備豫之非一日而
及之也殺牲盛饌日舉日每二食惟朝食則舉日中而
餽以朝之餘鼎十有二牢鼎九陪鼎三也其物先儒雖
縷言之然未必確蓋此特言其概耳物皆有俎凡物皆

周官

天官

七

以俎盛之也。俎，物也。侑，食以樂養其和平。飲食乃有益也。祭，飲食每種各出少許，置之豆間，地以祭先代。始為飲食，人不忘本也。授祭，優至尊，免再興再坐之勞。品嘗，食先各品，食之而後王食，防有毒也。食卒，徹歸。故處亦奏祭，日三舉，朝食日中及夕，皆用新潔之物，不似平日餽朝之餘也。加至三者，養其氣以備勞也。大荒凶年，大札疫癘，天裁日星，請變地，裁山川，虧竭諸變，大故。寇戎之事，不舉，示省懼也。

王燕食則奉膳贊祭，凡王祭祀賓客食則徹王之胙俎，凡

王之稍事設薦脯醢，王燕飲酒則為獻主。食如

鄭康成曰：燕，食日中夕食，奉膳奉朝之餘膳。贊，祭夕食。王祭牢肉，則贊之也。祭與燕饗，上與尸賓相答，胙有胙。組，膳夫親徹之，其餘俎則其屬徹之。稍食，非正食而稍為飲食之事，故直有脯醢燕飲羣臣膳夫為獻主，俾得盡歡，臣不敢與君抗禮也。

掌后及世子之膳羞凡肉脩之頒賜皆掌之凡祭祀之致福者受而膳之以擊見者亦如之歲終則會唯王及后世

子之膳不會

會古外反

后世子之膳羞統於王掌其饌而不饋脩脯也加薑桂
鍛治者為修致福諸臣祭祀歸胙於王受之受於祭僕
及司士而以膳於王不會不計其多少御案不會非
凡用皆不會也蓋品味有常不敢以異物共之無所用
其會非恣其欲而不為之限也愚按此經言不會者五
皆衣食細事然其各職所掌具有成式與戒台則所謂
不會者特不以區區計算等至尊於
臣下耳何前人乃誤解之以禍國

庖人掌共六畜六獸六禽辨其名物凡其死生蠶毫之物以共王之膳與其薦羞之物及后世子之膳羞

畜丑六反又許又反

麇悉然反

麇古老反

鄭康成曰六畜六牲也始養之曰畜將用之曰牲春秋傳卜曰曰牲六獸六禽即六畜而概推言之古今食尚各殊不必定求其物以實之辨其各物雖可食而防有毒而不貴異物之義亦寓矣畜物掌之獸人獸人送之庖人以供用故曰掌共凡計數之也薦亦進也備品物曰薦致滋味乃為羞王言薦者味以不褻為尊麇謂生肉麇謂乾肉劉氏執中曰死謂不可以生致者生謂不可以死致者麇謂不可以麇致者麇謂不可以鮮致者

共祭祀之好羞共喪紀之庶羞賓客之禽獻凡令禽獻以

灋授之其出入亦如之

好呼報反

好羞先人所好亦謂平常食物尤嗜者也非屈到嗜芟之列喪禮繁必得其叙故曰紀庶羞葬後祭禮所用禽獻賈疏若掌客上公乘禽曰九十雙之類令禽獻賓客至庖人乃令獸人取之必以灋校之毋濫取濫予也入

謂入於庖人出
庖人付使者也

凡用禽獻春行羔豚膳膏香夏行脰鱠膳膏臊秋行犢麋

膳膏腥冬行鱘羽膳膏羶歲終則會唯王及后之膳禽不

會香內則作蘇脰其居反鱠師優反臊素刀反麋音迷羶書然反會古外反

鄭康成曰用謂煎和之以獻王行猶用也史氏曰羔稚

羊豚雅豕方春草生羔豚美故用之脰乾雉鱣乾魚方

夏暑盛物易腐故用之秋時草物實犢麋食之而肥故

用之冬時大魚濟雉性定而肥故用之膏香牛脂膏臊

大脂膏腥雞脂膏羶羊脂犢牛子麋鹿子各以其物之

所便而調和之月令所用順時令也庖人所行順物性

內饗掌王及后世子膳羞之割亨煎和之事辨體名肉物

辨百品味之物王舉則陳其鼎俎以牲體實之選百羞醬

物珍物以俟饋

和胡臥反

調和熟食曰饗內所主在內也鄭康成曰割肆解肉也亨煮也煎和齊以五味體名脊脅肩臂膈之屬肉物載燔之屬百品味庶羞之屬言百舉成數牲體實之取於饌以實鼎取於鼎以實俎實鼎曰胥實俎曰載選先進食之時選擇其中御者俟饋俟膳夫之饋也食以養生品類有宜否不可不慎故內饗掌之

共后及世子之膳羞辨腥臊膾香之不可食者牛夜鳴則

膺羊泠毛而毳羶犬赤股而躁臊鳥臠色而沙鳴狸豕育

眡而交睫腥馬黑脊而般臂螻

膺音由泠音零躁側到反螻一作螻匹表反沙如字

麤當作鬱音眡當為望視
噉音接般音班螻當作漏

膳夫於王親饋后居深宮世子學於虎門皆別有饋之
故內養止共其膳蓋言共不言饋降於王也腥臊膾
本可食辨者別其臭味惡者也膾謂惡臭洽毛毛長總
結赤股股裏無毛躁疾走也曠色色不澤美沙鳴鳴聲
滿滯鬱謂腐臭盲眠揚視交睫目睫交毛腥
肉有如米者是般臂臂毛有文螻螻蛄臭也

凡宗廟之祭祀掌割亨之事凡燕飲食亦如之凡掌共羞

脩刑膾胖骨鱠以待共膳凡王之好賜肉脩則饗人共之

掌共之共當作具下如
字膾火鳥反胖普半反

言宗廟之祭祀明內饗不掌外神燕飲食王及后世子
自飲食也羞庶羞脩鍛脯刑釧羹也膾魚肉之大饗者
胖脯之未乾而腥者骨牲體皆具之以待共膳
也好賜王所善而賜者肉脩王膳脩之餘也

外饗掌外祭祀之割亨共其脯脩刑膾陳其鼎俎實之牲

體魚腊凡賓客之殮饗饗食之事亦如之食音

外饗者所主在外也外祭天地社稷山川五祀凡外神內饗不言魚腊此不言胾骨鱠文互見也殮客始至之禮饗既將幣之禮饗禮以飲為主行人所謂饗禮九獻之類是食以食為主人所謂食禮九舉之類是

邦饗者老孤子則掌其割烹之事饗士庶子亦如之師役

則掌共其獻賜脯肉之事凡小喪紀陳其鼎俎而實之

者老凡六十以上及死事者之祖父孤子死事者之子士庶子徯王宮者勞將帥曰獻犒兵眾曰賜小喪紀兵士死事者之喪皆特恩以勸忠孝也

亨人掌共鼎鑊以給水火之齊職外內饗之饗亨者辨膳

羞之物祭祀共大羹錫羹賓客亦如之亨普庚反鑊胡郭反齊才細反饗七

玩反大

音泰

亨人主為內外養煮肉者饒煮肉之器既熟乃晉於鼎
齊量也水有多寡火有緩急劑之使無過不及爨今之
竈大羹不致五味盛於登鉶羹加鹽菜者盛之鉶皆陪
鼎也鄭氏鐸曰大古茹毛飲血所謂羹者血清而已中
古漸文則加滋味聖人懼人縱口腹之
欲故祭祀賓客薦大羹以示反本之意

甸師掌帥其屬而耕耨王藉以時入之共齎盛祭祀共蕭

茅共野果蓏之薦甸弟硯反耨乃豆反

王藉田在野故以甸名官有教民之義故稱師藉田者
借民以經之也王躬耕帝藉三推之後甸師帥其屬而
耕耨瘠地曰耕耘草曰耨以時入麥夏熟禾黍秋熟之
類在穀曰齊在器曰盛蕭香蒿既奠焚之使陽臭達於
蕭屋茅以編酒野即藉田所在果桃李之屬
蓏瓜瓠之屬蓋不能稼之地則樹果蓏也

喪事代王受胥裁王之同姓有辜則死刑焉帥其徒以薪

蒸役外內饗之事胥生景反

人過曰胥天降曰裁國有裁胥王當祇畏修省因有喪事故甸師代王請命於神祇以乘盛不潔自引咎也王之同姓有罪不欲暴其惡於眾人故就甸師刑焉甸師在疆場多隱僻屋舍也木大曰薪小曰蒸採薪蒸以共外內饗之用蓋亦祭祀所用若常用非甸師所能給也

獸人掌罍田獸辨其名物冬獻狼夏獻麋春秋獻獸物

罍罔也辨其名物無害於稼者則不罍不足以共祭祀喪紀賓客膳羞則不獻也狼麋皆可為膏仲冬陰極陽生仲夏陽極陰生獻狼麋以順陰陽之性助王膳蓋養其和也春秋獻獸物亦彷彿此意為之

時田則守罍及弊田令禽注於虞中凡祭祀喪紀賓客共

其死獸生獸凡獸入於腊人皮毛筋角入於玉府凡田獸

者掌其政令

弊必
藝反

時田四時田獵守器防獸觸擾弊田鄭氏眾曰春火弊
夏車弊秋羅弊冬徒弊守所弊之處以防禽逸虞虞人
所植之旗令獲禽者咸歸注於此以課多寡也共死獸
生獸於庖人當乾者入於腊人入玉府者以備器物之
材凡田獸謂百姓之獵者政
合取之有時致之有灋也

敝人掌以時敝為梁春獻王鮪辨魚物為鱸薨以共王膳
羞凡祭祀賓客喪紀共其魚之鱸薨凡敝者掌其政令凡

敝征入於玉府

鱸魚同鮪雲壘反薨
本又作稿苦老反

以時魚若獺祭魚然後人澤梁季春薦鮪之類為梁偃
水兩畔中央通水為闕孔以筍承而取之王鮪鮪之大

者蠱生也 薨乾也 共於膳夫 以共王也 祭祀賓客喪紀
則共於內外 養凡獻者 百姓之獻者 政令見上 獸人獻
征非凡 獻者皆征之 有非常之魚 其
骨鬚可飾 器物者 則征之以入王府

龜人掌取互物以時籍魚鼈龜蜃凡狸物春獻鼈蜃秋獻
龜魚祭祀共 鱸鱸蚺以投醢人掌凡邦之籍事

狸音埋 鱸首牌 鱸直其反 鄭氏眾曰互物有甲之物籍以杖刺泥中搏取之狸物

自狸藏於泥中者鄭康成曰蜃大蛤狸物刀魚蚌之屬

春秋獻出在淺處可得之時麤蚌也蚺蚺子取白者以

為醢三者皆可以為醢 御案獨舉祭祀者鱗互之物

以共膳羞者為多豆實則主於祭祀而後及其餘投醢
人百日前授之王氏憲電曰凡有取於水中若金珠玉
石或異物及有所遺失以
隨人善於籍事故兼掌之

腊人掌乾肉凡田獸之脯腊臠胖之事凡祭祀共豆脯臠
脯臠胖凡腊物賓客喪紀共其脯腊凡乾肉之事

腊之為言夕也必繼夕而後乾也史氏曰腊有骨脯無
骨臘全體腊半體禽獸之形有大小小而全蕘大而半
蕘取其易乾豆當為羞祭祀賓客喪紀
皆用乾物或不得以時取者則用乾也

醫師掌醫之政令聚毒藥以共醫事凡邦之有疾病者有
疠瘍者造焉則使醫分而治之歲終則稽其醫事以制其
食十全為上十失一次之十失二次之十失三次之十失

四為下疠匹婢反瘍音
羊造七報反

劉氏彝曰政令謂物產之宜採取之候治鍊之方攻燉
之制皆必預知之毒藥法毒之藥也人身陰陽不和其

疾皆為毒藥物或有毒或無毒皆以攻人身之毒故曰
毒藥鄭康成曰疔頭瘍亦曰禿身傷曰瘍食禱也全猶
愈也程子曰十全非謂十人皆愈但知可
治與不可治證治分明十人皆中即為上

食醫掌和王之六食六飲六膳百羞百醬八珍之齊凡食

齊眠春時羹齊眠夏時醬齊眠秋時飲齊眠冬時凡和春

多酸夏多苦秋多辛冬多鹹調以滑甘凡會膳食之宜牛

宜稌羊宜黍豕宜稷犬宜梁鴈宜麥魚宜苽凡君子之食

恆放焉六食之食音嗣下食齊膳食同齊才細反和胡卧反會如字苽音孤徐音杜放甫往反

飲食所以養生失宜亦可以致疾故食醫和飲食以防
疾於未然齊者調和其味使多寡厚薄各適其節也

御案食飲膳羞醬珍製作有常灑而食醫和其齊者酌
天時與王氣體之所宜也賈氏公彥曰眠猶比也言飯

之齊和四時常溫比於春時羹齊四時常熱比於夏時
 醬齊四時常涼比於秋時飲齊四時常寒比於冬時鄭
 康成曰四時各尚其時味而甘以成之猶木火金水之
 載於土內則棗栗飴密以甘之薑荳粉榆兔薤滌瀹以
 滑之史氏曰非謂四時各專一味就五味中使一味勝
 焉以養其氣也鄭氏鑄曰膳食各有相宜者又當會而
 合之使氣味相成牛土畜稌稻也澤中所生與土畜相
 宜羊火畜黍高燥所生與火畜相宜豕水畜稷北方之
 穀與水畜相宜犬金獸梁西方之穀與金畜相宜鴈陽
 物也麥秋種而夏熟得陽氣為多與鴈相宜魚水物也
 菘米之生於水者與魚相宜王氏昭禹曰君子與王貴
 賤之分不同而養生之理弗異故得以放王而自養焉

疾醫掌養萬民之疾病四時皆有癘疾春時有瘡首疾夏
 時有痺疥疾秋時有瘧寒疾冬時有嗽上氣疾以五味五
 穀五藥養其病以五氣五聲五色眠其死生兩之以九竅

之變參之以九藏之動凡民之有疾病者分而治之死終

則各書其所以而入於醫師

病音厲病音消痺平聲疥音介嗽西候反上上聲窳乞叫

反戴去聲

賈氏公彥曰療病必須將養故以養言之言養萬民者以其德施之於萬民而使之各得其養也癘四時不正之氣人身內養不足元氣虛而癘氣乘之發於四時者不同寒熱偏勝之端不同也疢骨之腫痛瘵氣鬱而腫硬疥癢痛瘵寒熱交作嗽欬也上氣喘逆五味酸苦辛鹹甘五穀麻麥稷稻豆五藥草木蟲石穀養猶治也氣聲色疾之見乎外者問而知其氣望而知其色聞而知其聲兩之參之診視非一處其變其動病情非一端則切之謂也望聞問切交盡其術而察其生死分而治之蓋古之醫者皆明於陰陽造化之理達於人情物理之全而後神明其術此疾醫所以能養萬民也少曰死老曰終書其所以而入於醫師恐其有誤治者以為罰德

也

瘍醫學腫瘍潰瘍金瘍折瘍之祝藥剷殺之齊凡療瘍以

五毒攻之以五氣養之以五藥療之以五味節之凡藥以

酸養骨以辛養筋以鹹養脈以苦養氣以甘養肉以滑養

竅凡有瘍者受其藥焉

折時設反祝咒同
剷音剷齊才細反

瘍醫主治瘡毒者凡瘡皆謂之瘍腫則其勢將成潰則其勢已消瘡雖外疾亦血氣不和寒火逼壅而成初腫宜散既腫宜潰既潰宜清毒而培補金瘍刀剷折瘍跌損或有邪祟乘其衰而為災則祝之又以藥附之剷或割且剷之殺去其敗肉四者皆治瘍之法審其疾而治之得其宜所謂齊也五毒五毒之藥瘍多有毒以毒攻毒也五氣審其五臟之氣何者受毒既去其毒當以其氣所宜之物養之也五藥五味見上復言此者明瘍疾

與內疾等攻之養之療之節之必審其宜而後可免誤
治也又言藥之養人必與陰陽五行之氣相配必得其
宜則凡有傷者受其藥而愈
焉非謂瘍者受藥於醫也

獸醫掌療獸病療獸瘍凡療獸病灌而行之以節之以動
其氣觀其所發而養之凡療獸瘍灌而刮之以發其惡然
後藥之養之食之凡獸之有病者有瘍者使療之死則計
其數以進退之食音副

鄭康成曰節趨驟之節氣脈氣灌藥而行之以疏動其
氣然多行又恐病劇又當節以止之其當割者則刮之
以去其毒然後外附藥內服藥以養其氣又
用芻秣以食之進退據功過以予奪其祿也

酒正掌酒之政令以式灋投酒材凡爲公酒者亦如之辨

五齊之名一曰泛齊二曰醴齊三曰盎齊四曰緹齊五曰

沈齊辨三酒之物一曰事酒二曰昔酒三曰清酒辨四飲

之物一曰清二曰醫三曰漿四曰醕齊才細反緹音體醫音倚醕音移

酒正酒官之長式澗作酒之澗式如月令所記秫稻必

齊麴藥必時之類酒材米麴之屬公酒以公事作酒者

齊劑同五齊治酒調和之澗也酒之為味不一由其製

造之澗不同大約有此五等泛其滓浮泛醴汁滓相兼

益氣蒸蒸而白緹其汁成赤黑色沈則滓沈汁清矣既

成酒則有三酒之別事酒隨時應用各事之酒不必盡

佳昔酒則經久釀之酒清酒又其醇且久者也齊亦

酒但未如三酒之既成且久飲渴之所需清者無滓醫

者微有滓漿米汁相載醕則粥之汁耳古無茗濁及漱

皆用漿以米及他物為之酒正特辨其名物不自造也

掌其厚薄之齊以其王之四飲三酒之饌及后世子之飲

天官

與其酒凡祭祀以灋共五齊三酒以實八尊大祭三貳中
 祭再貳小祭壹貳皆有酌數唯齊酒不貳皆有器量共賓
 客之禮酒共后之致飲于賓客之禮醬醢醢皆使其士奉
 之凡王之燕飲酒共其計酒正奉之凡饗士庶子饗耆老
 孤子皆共其酒無酌數掌酒之賜頒皆有灋以行之凡有
 秩酒者以書辨授之酒正之出日入其成月入其要小宰
 聽之歲終則會唯王及后之飲酒不會以酒式誅賞

此乃申言酒正所掌而上文所言非區區口腹之計明矣王及后世子尊雖酒人漿人爲之而酒正必掌其厚薄之齊恐不精潔祭祀齊與酒兼用以神道事之亦以人道養之也五齊三酒共八尊太祭郊社禘祫之類中

祭日月星辰山川之類小祭五祀祈祀之類貳益之以
酢也齊酒尙未成酒故不貳器量盛酒之器其量不一
也鄭康成曰禮酒王所致祭也王致酒后致飲夫婦之
義士酒正之屬士也計獻酬多少有度不得過也士庶
子耆老孤子恩養之不限以酌數賜頒以酒頒賜羣臣
有澆無私恩濫予也有秩酒者應常得酒之人以書契
授之使執以取酒出謂授酒材及用酒多少也酒正曰
計其成月計其要聽於小宰必酒之意可見王及后之
飲酒或王與后共飲或自飲則不計其多寡若與羣下
飲則又有澆矣誅賞或典守耗敗出入多寡違式者有
誅否則有賞

酒人掌爲五齊三酒祭祀則共奉之以役世婦共賓客之
禮酒飲酒而奉之凡事共酒而入於酒府凡祭祀共酒以
往賓客之陳酒亦如之

酒人主造酒者爲作也世婦天官內宰世婦與九嬪爲
列者也役世婦聽役於世婦禮酒饗燕之酒飲酒食時
滌口之酒凡事凡有需酒之事共而入於酒正之府以
待其稽計凡祭祀小祭祀共酒以往自有奉之者往待
其命而已陳酒陳設於堂東者亦
共酒以往掌其事者自有掌客

漿人掌共王之六飲水漿醴涼醫醕入於酒府共賓客之
稍禮共夫人致飲於賓客之禮清醴醫醕糟而奉之凡飲

共之

漿人主造漿者涼暑日所用蓋水之和以冰者御案
水涼無齊可辨故酒正所辨惟四飲而此則並共之稍
飲日常稍用之之謂飲非常用者也夫人謂三夫人助
王養賓亦致於客館清醴醕之沛者醫醕不沛者凡飲
非特饋食共之凡王及
后夫八用飲皆共之也

凌人掌冰正歲十有二月令斬冰三其凌春始治鑑凡外
內饗之膳羞鑑焉凡酒漿之酒醴亦如之祭祀共冰鑑賓

客共冰大喪共夷槃冰夏頒冰掌事秋刷凌力應反又力
升反刷所刮反

凌冰室也正歲夏正夏令季冬大寒冰盛之時故斬冰

而三其冰室以多納冰鑑今之甕也以盛冰膳羞酒醴

得溫氣而味失故以冰養之祭祀亦然賓客不以鑑往

嫌使停膳羞也夷傷也取哀傷之意以夷槃盛冰置於

尸牀之下以涼尸也頒冰王頒賜羣臣掌事主其得冰

多少可否之事刷刷除冰室以待納新冰也人在天地

氣化之中陰陽之氣一有不相則為疾暑令陰火燥陽

故以冰禦之使陰陽得其平而體安次凌人於酒食之

後太宰主之所以調
爨而衛王躬者至矣

邊人掌四邊之實朝事之邊其實麩賚白黑形鹽臠鮑魚

鱸饋食之邊其實棗栗桃乾榛榛實加邊之實菱芡栗脯

菱芡栗脯羞邊之實糗餌粉羞

邊音豐養音文臘音胡鱸音修栗古栗字榛音老榛

側巾反菱音陵芡音儉糗

去九反餌而志反養音慈

邊竹豆邊人主實邊者四邊朝事饋食加邊羞邊也王

薦腥后亞獻於是薦朝事之邊熬麥曰臠麻曰蕡稻曰

白黍曰黑形鹽築鹽以為虎形臠大臠以為臘糗乾以

為鮑折乾以為鱠王獻熟后亞獻於是薦饋食之邊乾

梅乾梅榛似栗而小王醢尸后於是薦加邊菱芡也芡

雞頭也重言之者以四物為八邊也既醢尸於是薦羞

邊合蒸曰餌餅之曰養二物皆粉稻米黍米為之糗熬

之粉粉之二者皆然互文相足也祭祀之禮事死如生

朝事象朝時所進饋食象食時所進加

邊象饋食之有加羞邊象養之有羞也

凡祭祀其其邊薦羞之實長事及賓客之事其其薦邊羞

邊爲王及后世子共其內羞凡邊事掌之

鄭康成曰薦羞皆進也未食未飲曰薦既食既飲曰羞內羞房中之羞也王氏應電曰凡邊事若饗者老狐子

士庶子師役稍事

醢人掌四豆之實朝事之豆其實韭菹醢昌本麋藟菁

菹鹿藟菲菹麋藟饋食之豆其實葵菹羸醢脾析麋醢蜃

蜃醢豚拍魚醢加豆之實芹菹兔醢深蒲醢醢箔菹雁醢

筍菹魚醢羞豆之實醢食糝食韭音久菹莊魚反醢音坦

音均羸音蠟脾音皮析星歷反麋音泥菁音精菲音邪麋音搏筍音迨爾雅作筍筍息尹反食音嗣糝素感反

醢肉醬也有骨爲藟無骨爲醢四豆與四邊同時並設菹生釀之以爲酢菜作醢者必脯乾其肉乃莖之雜以

司官互解 一天官 七

梁薺及鹽浸以美酒塗置瓶中百日而成醢醢醢之多
 汁者昌本昌蒲根菁蔓菁菲鳧葵也贏蟻蚰蜥大蛤蚺
 蟻子拍脅肉深蒲深水中初生之苗箔箭
 萌筍竹萌醢內則所謂糞糝亦見內則

凡祭祀共薦羞之豆實賓客喪紀亦如之為王及后世子
 共其內羞王舉則共醢六十饗以五齊七醢七菹三醢實

之賓客之禮共醢五十饗凡事共醢

齊音齋

鄭康成曰凡醢醬所和細切為齋全物若臠為菹齋菹
 可以通稱菜肉五齊七醢七菹三醢即上文所云此總
 言之王舉則共醢六十饗以此等物實之致饗餼於賓
 客時亦共醢凡事凡有用醢之事皆共之蓋古人食必
 用醢如今人食必需鹽以調和品
 味故多其品以便臨食自便也

醢人掌共五齊七菹凡醢物以共祭祀之齊菹凡醢醬之

物資客亦如之王舉則共齊菹醢物六十翬其后及世子

之醬齊菹賓客之禮共醢五十翬凡事共醢以其至之物為一句

醢醋也醬須醢成味者醢人並掌之造醢醢各有專職而其用每相兼故其共亦畧同其五六十翬則備豫之而已非一日而盡食之也

鹽人掌鹽之政令以共百事之鹽祭祀共其苦鹽散鹽賓

客共其形鹽散鹽王之膳羞共飴鹽后及世子亦如之凡

齊事蠶鹽以待戒令齊才細反蠶同煮鹽音古

古人無樅鹽之政大概採之以備用其食味則以醢醢為主但採之入官必有政令為之約禁百事下文所言之者事苦鹽未鍊者散鹽已鍊者形鹽積鹵成形者飴鹽味之恬者凡有利五味之事則煮鹽以待戒令蓋鹽之

齊事蠶鹽以待戒令齊才細反蠶同煮鹽音古

產所不同有刮於地而得者有風於池而凝者有積於
鹵而結者有取海水汲井泉而煮者鹽人受其鹽而煮
以待用不似後世皆取民間已成之鹽而用之也

縣人掌共巾縣祭祀以疏布巾縣八尊以畫布巾縣六彝

凡王巾皆黼

釋反

巾以覆物為縣專用之以拭則為巾八尊五齊三酒所
實之入尊以粗布縣之尚質也六彝雞彝鳥彝斝彝黃
彝虎彝雉彝畫布尚文也祭祀半用神道半用人道故
文質兼用之王巾王所用以拭覆者黼白與黑為虎文
也取斷
制之義

宮人掌王之六寢之脩為其井匱除其不蠲去其惡臭共
王之沐浴凡寢中之事埽除執燭共鑪炭凡勞事四方之

舍事亦如之

偃於建反亦古淵反去起

音偃獨音主又呂反婦素與反

六寢大寢一小寢五大寢聽政在前小寢釋服燕息在後朱子謂小寢一寢居中四寢在四隅四時各居其方

理或然也并非汲水之井鄭康成謂漏井受水潦而洩之者也偃障水使不泛濫而歸於井者獨猶潔也王氏

應電曰寢中之事枕席牀第嚙壺虎子之屬鄭氏康成曰勞事勞褻之事四方舍事有故而適四方官人隨行

亦如在國

掌舍掌王之會同之舍設楹柅再重設車宮轅門為壇壝

宮棘門為帷宮設旌門無宮則共人門凡舍事則掌之

夜反楹獨禮反柅戶故反重平聲壝音位

舍止息之所通謂會同與其舍也楹柅行馬也以周禮有內外之別故兩重設之王宿險阻則列車為宮而以

轅表門王宿平陸則築壇以土為宮而以戟表門張帷
為宮則立遊表門若但遊觀偶往則兩旁以人排立如
門而空其前以出入

幕人掌帷幕幄帟綬之事凡朝覲會同軍旅田役祭祀共

其帷幕幄帟綬大喪共帷幕帟綬三公及卿大夫之喪共

其帟幕模鄂反幄烏
剌反帟音亦

鄭康成曰王出宮則有是事在旁曰帷在上曰幕幕或
在地展陳於上皆以布為之四合象宮室曰幄王所居
之帳也帟承塵皆以繪為之凡四物者以綬連繫焉大
喪共之為賓客飾也帷以帷堂或與幕張之於庭帟在
樞上惟上無帟
王有惠則賜之

掌次掌王次之灋以待張事王上帝則張氈案設皇

邸朝日祀五帝則張大次小次設重帘重案合諸侯亦如之師田則張幕設重帘重案諸侯朝觀會同則張大次小

次師田則張幕設案孤卿有邦事則張幕設案禮典反

居曰舍止曰次王出宮則幕人以帷幕諸物送至次所掌次則張之故云以待張事灑大小丈尺旅上帝國有故而祈上帝非郊祭之常也德案設案為牀氈其上以坐邸後版也為大方版於坐後畫為斧文染羽象鳳凰色覆於版上行在無辰以此代之而別名皇邸朝日春分拜曰於東門之外祀五帝於四郊次幄也大次以行禮小次以息勞合諸侯而為壇於國外亦與王同上師田王師田下師田諸侯因朝觀會同而來從王師田也
有邦事以王事出諸侯及孤卿之幕案不必王使人設之此概及之耳

凡喪王則張帟三重諸侯再重孤卿大夫不重凡祭祀張

其旅幕張尸次射則張耦次掌凡邦之張事

鄭康成曰張帟樞上承座諸侯凡王朝卿士秩視諸侯者或朝觀會同而卒者旅幕寶旅所次之處尸次尸所居更衣處射耦之次在洗東凡邦之張事皆掌之不獨如上文所云也

大府掌九貢九賦九功之貳以受其貨賄之入頒其貨於受藏之府頒其賄於受用之府凡官府都鄙之吏及執事

者受財用焉 大音泰藏才浪反

九貢諸侯九貢九賦畿內九賦九功卽九職據成功言則曰功貳副大宰也自然曰貨人為曰賄藏儲蓄之藏者以為受之地此互文概言之蓋大府雖有府仍分置於眾府或頒於受藏之府或頒於受用之府皆大府掌之而凡官府及都鄙之吏或為官掌事須用官物者皆於大府受財用焉 御案財用有臨事受書契於大府

而取之於所司者有經式風具本存於其地者有分貯
於所司者凡此皆受文書於大府貢賦者各以財物入
焉至月終歲終然後入要
會於大府司會以聽鈞攷

凡頒財以式灋投之關市之賦以待王之膳服邦中之賦
以待賓客四郊之賦以待稍秣家削之賦以待匪頒邦甸
之賦以待工事邦縣之賦以待幣帛邦都之賦以待祭祀
山澤之賦以待喪紀幣餘之賦以待賜予凡邦國之貢以
待帛用凡萬民之貢以充府庫凡式貢之餘財以供玩好
之用凡邦之賦用取具焉歲終則以貨賄之入出會之音削

稍會古
外反

御業式漢禮之隆殺事之大小費之多寡物之良苦時候
之遲早輸將之遠近皆具俾諸侯必按式灋而後出之
故既受大府之式灋而臨時又受式灋於職歲也待待
來而給之也古者關幾而不征市廛而不征凶荒札喪
則闕門無征其歲入至薄以此待膳服見先王薄於自
奉邦中之賦城郭內外廛里場圃之地物產最多以待
賓客見先王厚於待人四郊於國爲近者可使輸重故
以待稍秣邦縣於國爲遠者可使輸輕故邦縣之賦以
待幣帛家削邦甸比四郊爲遠比邦縣爲近匪頒工事
雜出遠近之物故賦以待之邦都其地尤遠公卿王子
弟之采地祭祀致遺物且使親貴者得盡其誠喪紀所
用葦蒲蠶物茶葛木材之屬出於山澤爲多幣餘常賦
所餘以待賜予蓋不以賜予之故耗其當用者也邦國
之貢其物不一弔用恤典之事以貢物示隆恩非常物
比也萬民之貢非常賦也山澤閒田民有爲工商牧事
及雜業者自以其貨物貢於上則充府庫以待用非強
征之也式貢之餘財九賦九式及萬民之貢應用之餘
財乃以供玩好若無餘則不供也玩好非供耳目之玩

也宗廟之鎮器天府之守器諸侯之分器不常有亦不常用以其可玩故曰玩好凡邦之賦用兼上文而言取具取足於大府也入出會之量入爲出也以上列敘其式如此然事有相通用有相濟者非判然不相爲用也大概言用財節制之濫如此王者無得私藏濫予耳

玉府掌王之金玉玩好兵器凡良貨賄之藏共王之服玉佩玉珠玉王齊則共食玉大喪共含玉復衣裳角枕角枵掌王之燕衣服衽席牀第凡褻器若合諸侯則共珠槃玉敦凡王之獻金玉兵器文織良貨賄之物受而藏之凡王之好賜共其貨賄

齊側皆反第阻史反敦音對

玉府以玉爲主而凡精異之物亦掌之良善也兵若兇弋和弓垂竹矢之屬器若赤刀宏璧之屬良貨賄質之

自然美者也服玉若玉璫玉琪玉筭之屬佩玉佩於帶上者珠玉琢玉為珠以飾冕弁食玉屑也蓋致其精明之意北齊李預常得食玉之瀝及其死也形全而不穢含玉見大宰復招魂也復衣裳用冕服死者之上服也招魂冀其復故曰復玉府主作之而典瑞共之角柎角七也揆齒令可飯含燕衣服巾潔寢衣袍澤之屬非禮服故掌於玉府而不掌於司服衽單席第簣也褻器清器虎子之屬御案燕衣服皆掌於玉府則冢宰小宰得檢察雖以良貨賄為之而毋敢作淫巧以蕩上心矣敦槃類以珠玉為飾合諸侯必割牛耳取其血敵之以盟槃盛牛耳敦盛血王之獻諸臣觀享或出聘反命所獻可共王之服用者御案四方幣獻入於內府內府又取其中玉府之用者入之也好賜恩賚羣臣者

內府掌受九貢九賦九功之貨賄良兵良器以待邦之大用凡四方之幣獻之金玉齒革兵器凡良貨賄入焉凡適

四方使者共其所受之物而奉之凡王及冢宰之好賜予則共之

內府主內之藏者兵器言良則貨賄可知矣貨賄言良則他亦可知互文以見義也夫用謂非常之役蓋藏於內府者不等外府之常取給也所受之物受於四方所獻者遣使之時視其地之所無取於內府以報其禮王及冢宰好賜予之物近取諸內府亦不常也

外府掌邦布之入出以共百物而待邦之用凡有灋者共王及后世子之衣服之用凡祭祀賓客喪紀會同軍旅共其財用之幣齋賜予之財用凡邦之小用皆受焉歲終則會唯王及后之服不會

齋音咨後皆同又祖係反

鄭氏鏐曰周之泉布今之錢自其出之有源言之則曰泉自其布散不滯則曰布鄭康成曰共百物或作之或買之待猶給也有濼濼當用者王后世子衣服有待泉布而成者幣齋行道之齋費小用外府所納泉布所積既少有小用則給之若大用則他取蓋周時財用多是穀粟布帛天產人工所成其以錢交易者絕少故外府所掌惟此王及后服須泉布成者少故不必會也

治
司會掌邦之六典八灋八則之貳以逆邦國都鄙官府之

鄭康成曰逆受而鈎考之自大府至掌皮皆掌財賦之官而司會以中大夫為之則其職至重蓋自王后六宮世子與宰相大臣卿大夫士其用度不當皆得鈎考糾正之其必掌典灋則之貳者職會計者不顧國政之是非民情之疾弊或傷於仁或害於禮皆不可故必知六典八灋八則為治之本而後有傷於國有蠹乎民者得

以裁成之也

以九貢之灋致邦國之財用以九賦之灋令田野之財用

以九功之灋令民職之財用以九式之灋均節邦之財用

生財之術悉稟於大宰司會用其灋以令下故為掌其

貳也九貢者諸侯之歲貢九功者國中及四郊之民所

入九賦厘里及疆地之

有田至於都鄙者之賦

掌國之官府郊野縣都之百物財用凡在書契版圖者之

貳以逆羣吏之治而聽其會計

御案此以百物財用賦貢之本數及存貯出用者而

言也財用之在官府者若內府外府玉府職幣之類郊

野縣都各貯百物財用以共賓祭待賜予賑恤給飲賒

職內貳都鄙財入之數職歲貳都鄙之財出賜之數是

也云郊野縣都則邦中可知司書掌其正故司會掌其貳逆為會計之則生齒之息耗四野之蕪闢百物之盈歛出入之有節皆不可得而掩

以參互攷日成以月要攷月成以歲會攷歲成以周知四國之治以詔王及冢宰廢置

用財之事不同其出納亦異必參以攷之掌財用之官亦不一必互以攷之日月歲皆攷之然後周知其盈歛當否之實而其不當者則詔王及冢宰廢置

司書掌邦之六典八灋八則九職九正九事邦中之版土地之圖以周知入出百物以叙其財受其幣使人於職幣

正如

九正九賦九貢之正稅九事即九式以其成灋言曰式
以其用財以治事曰事叙次第書於版圖受其幣受其
幣之數而書之其幣則入於職幣也

凡上之用財用必攷於司會三歲則大計羣吏之治以知
民之財器械之數以知田野夫家六畜之數以知山林川

澤之數以逆羣吏之徵令

畜許六反

上謂王后世子冢宰王及后世子不會矣而茲又必攷
於司會者蓋至尊用財不斥計其多寡而其數則亦必
書以計之無濫與也冢宰則不得同科大計者民之財
也器械也械也田野夫家六畜也皆自其親民之官上其
數於司書司書三歲則計之以知財用多少及羣吏有
無侵冒之弊逆鈎攷之逆徵令攷其徵令於民當否也

凡稅斂掌事者受灋焉及事成則入要貳焉凡邦治攷焉

稅斂即九職九功之事濶猶數也每歲財用所入盈款不一掌稅斂事者受其濶於司書事畢則書其要以致諸朝存其貳以為鈎攷之證要若今之正本貳若今之副本凡邦治關係財賦者必於司書攷之而後知其數

職內掌邦之賦入辨其財用之物而執其總以貳官府都鄙之財入之數以逆邦國之賦用凡受財者受其貳令而書之及會以逆職歲與官府財用之出而叙其財以待邦

之移用內音納

職內主邦賦之入者總謂稅入之大凡貳副本也執堅執意執其財入之總數凡官府都鄙之財所入之數或分野各處者職內皆有副本執其總數乃可鈎攷邦國之賦用凡受財受大府頒而歲之者若玉府內府外府外至都鄙之吏受財用者皆是大府以其令之貳下職內故受而書之及歲終會計以鈎攷官府財用所出之

數而叙其餘財以待轉移濟用 御案財入之數並言
官府都鄙爲財用之出獨言官府者以守藏言則官府
都鄙異所不可以無別以出用言
則都鄙之財亦官府出而用之也

職歲掌邦之賦出以貳官府都鄙之財出賜之數以待會
計而攷之凡官府都鄙羣吏之出財用受式灋於職歲凡
上之賜予以叙與職幣投之及會以式灋贊逆會

職歲主歲計之出者以貳亦如職內書其貳令而編存
之 御案九貢九賦九功之人或藏於官府以待王朝
之用或貯於都鄙以待畿內之用式灋九式有經制者
賜予用幣餘之賦叙謂尊卑多寡之數受式灋不於大
府而於職歲者廩人以歲之上下數邦用若食不能人
二 誦則詔王殺邦用故九式雖有常經而其豐其省則
與歲上下故必於職歲受之職歲之式灋蓋卽大宰與
大府之式灋而臨時斟酌變通之職歲以上於大宰大

府大宰定之而後投大府下於職歲而行之
司會會計之時則以其出之數贊而鈎攷之

職幣掌式灋以斂官府都鄙與凡用邦財者之幣振掌事

者之餘財皆辨其物而奠其錄以書揭之以詔上之小用

賜予歲終則會其出凡邦之會事以式灋贊之揭其列反

職幣主財賦之餘者財賦支用有餘者則歸於職幣式
灋者不於自有餘之外更求也官府都鄙凡用邦財者
每歲支用之外餘財歸於職幣明歲乃可更收貢賦也
振收也掌事或王命有所作為寬以給之事畢其餘財
則職幣收之辨其物之善否而定其錄籍以待上
之小用賜予歲終則計其出之數贊司會之計也

司裘掌為大裘以共王祀天之服中秋獻良裘王乃行羽

物季秋獻功裘以待頒賜中音

司裘主王裘服者黑羔裘服以祀天尚質也以其祭天
故稱大服裘而被以衰也凡裘之材以取於冬寒者為
上以鳥獸毳毛細而溫也故月令曰孟冬天子始裘仲
秋鳩化為鷹肅殺之時蓋冬取而今乃獻之長裘裘之
美者行羽物以賜羣吏也功裘卿大夫所服別
於上用故言人功所為耳非功裘無良者也

王大射則共虎侯熊侯豹侯設其鵠諸侯則共熊侯豹侯
卿大夫則共麋侯皆設其鵠大喪獻裘飾皮車凡邦之皮
事掌之歲終則會唯王之裘與其皮事不會鵠姑篤反麋喜飲反又許

金反

大射天子諸侯與其羣臣飲酒而習射也別於賓射燕
射故曰大凡射以服禽獸禽獸服然後得其皮以為裘
故司裘共侯焉侯古文作侯象矢集於布之形棲布為
侯中畫小鳥曰鵠鵠也小鳥飛疾而難中故取象

焉亦取鵠之言較較者直也射所以直己志用虎熊豹
麋之屬示服猛討迷惑者也虎尤猛故王共之厥者與
也若詩之興謂象生時而用之皮車造車
以裘飾之也王服裘有制無多取故不會

掌皮掌秋斂皮冬斂革春獻之遂以式灋頒皮革於百工

共其毳毛為旣以待邦事歲終則會其財齋毛毳此芮反齋或為資

連毛者曰皮去毛者曰革涑治之曰韋烏獸毛毳之時

其皮善故秋斂之革須治用功深故冬斂之踰歲乾久

乃獻其良者於王以入司裘給王用式灋作物所用多

少定式百工若裘氏韋氏兩人之類用皮者毳毛之細

縵者緝而為氈貴其溫易氏曰邦事自祭祀以至喪紀

無不用故掌皮皆有以待之王昭禹曰泉布謂之財行

費謂之齋斂之則用財

斂而行之則有行費

丙宰掌書版圖之灋以治王內之政令均其稍食分其人

民以居之以陰禮教六宮以陰禮教九嬪以婦職之灋教

九御使各有屬以作二事正其服禁其奇表展其功緒所稱

孝反表似嗟

反亦作邪

劉氏彜曰宮內百職之名氏皆載於版宮寢內外之屬舍皆盡於圖王內王之北宮御案凡宮正官伯所掌者王宮之羣吏庶子或布周膳或次宮內不與嬪婦相接者也內宰所治奄奚之屬與嬪婦時接者也小宰兼掌之故統之曰王宮內宰分掌之故別之曰王內人民則女酒女漿奚之屬凡稱女宮者亦存焉鄭康成曰六宮謂后也不敢斥言謂之六宮婦人稱寢曰宮宮隱蔽之義后象王立六宮而居之亦正寢一燕寢五九嬪九人二十七世婦分屬九嬪三夫人分掌六宮不言省文也后之陰禮所以佐王成德者九嬪等之陰禮所以修飾婦儀者婦職織紉組紃縫線之事有屬屬於九嬪二事絲宗之事正其服禁踰侈奇怪而不常表倂而不正

展錄也緒業也愚按天子正身修德以齊家為治國之本凡上所言固非專恃內宰教之也而設此宮以從之者蓋恐王有不克正其內者以如是之法匡之而其原則自王也宮庭燕私之地亦有人以匡救之其亦聖人不得已之心歟

大祭祀后裸獻則贊瑤爵亦如之正后之服位而詔其禮樂之儀贊九嬪之禮事凡賓客之裸獻瑤爵皆贊致后之賓客之禮凡喪事佐后使治外內命婦正其服位

大祭祀祭宗廟也王裸后從裸后裸時以璋瓚投后獻時以玉爵投后亞王而醑尸以瑤爵投后皆贊之也服位鄭氏鈔曰后之服六而祭祀之服所用不同祭各有位而后之位所立各異如祭先王則禕衣祭先公禕衣祭羣小祀闕狄是正其服若在阼夫人在房若西酌奠家夫人東酌壘尊是正其位王氏昭禹曰禮交動乎上

樂交應乎下詔其儀使其容比於禮其節比於樂九嬪贊后薦徹豆籩係后行禮之得失故亦贊之賓客女賓客內外命婦之屬贊其裸族錫爵而致其禮喪事佐后治其事而正其服位

凡建國佐后立市設其次置其敘正其肆陳其貨賄出其

度量淳制祭之以陰禮淳平仄音

建國必而朝後市王立朝后立市陰陽相成之義次市師背師所蒞之位叙其地布列之叙肆陳物之肆陳陳列度量尺也量豆區之屬淳幅廣也制謂匹長二尺四寸也陰禮婦人之祭禮柯氏尚遷曰此不過建國之初后掌其禮既立市則后使不得與其事故司市夫人過市有罰也

中春詔后帥外內命婦始蠶於北郊以為祭服歲終則會內人之稍食稽其功事佐后而受獻功者比其小大與其

羸良而賞罰之會內宮之財用

中音

中春始蠶之時北宮婦人以純陰為尊內人謂九御前既均其稍食展其功緒故歲終則會之權之獻功者九御之屬各陳其絲枲之功也小大以所成之物言羸良小大之中各有美惡者賞罰於稍事中上下之也內宮謂夫人以下其一歲所用財皆會計之

正歲均其稍食施其功事憲禁令於王之北宮而糾其守

上春詔王后帥六宮之人而生種稷之種而獻之於王

直種

龍反或作重音同
稷音六又作稷

正歲建寅之月一歲之始一歲之功事始施不均其粟稍則終焉不敢責其成效故上文已言會內人之稍食而此又均之北宮后之六宮王宮在南后在北用王之禁令以令之后從王者地上春即正歲以春事將興故

云上春先種後熟曰種後種先熟曰種使后宮藏種以其有生生不窮之理且使知稼穡之艱難也

內小臣掌王后之命正其服位后出入則前驅若有祭祀

賓客喪紀則擯詔后之禮事相九擯之禮事正內人之禮

事徹后之俎

內小臣奄人共后之使令者內宰正服位謂大祭祀此則在宮之常儀也前驅導之也擯為后傳辭有所求為詔者先事告之相者助其不及正者糾其違慢皆擯也尊卑異故別其辭俎后受尸酢飲於房中所設之俎

后有好事於四方則使往有好令於卿大夫則亦如之掌

王之陰事陰令

好事以物問遺好令以言問勞也陰事羣妃御見之事陰令王所求為於北宮者御案必典章素諳而後能

正后之服位必儀文備悉而後能詔六宮之禮事必言
語謹信而後可通好事好命必性行端慈而後可掌陰
事陰令故羣奄中惟內小臣為上士聶氏曰先王之時
宦者不過數十人內小臣四人寺人內豎各五人闈人
每門四人而已不若後世之多既總於內宰而內宰又
屬於冢宰上下相統得以進退用舍之則不賢自不容
於其間愚按又有修德正身
之主在上乃為清源之道也

闈人掌守王宮之中門之禁喪服凶器不入宮潛服賊器
不入宮竒服怪民不入宮凡內人公器賓客無帥則幾其
出入以時啟閉凡外內命夫命婦出入則為之關帥所率
反為去

聲闈又
作辟

王五門外曰皋門二庫門三雉門四應門五路門中門
雉門也外朝在庫門外羣吏眾庶皆可得而入若雉門

之內則應門路門非臣民可得而入故於此有禁而舉
門扉門不以奄守之可見矣喪服衰經凶器明器潛服
若衷甲者賊器盜賊之器奇服非常服怪民狂易者公
器公家當用之器賓客內人之賓客雖本屬應有而出
入無率之者則必幾察之以時晨
昏不爽闕辟除餘人使無干也

掌掃門庭大祭祀喪紀之事設門燎躡宮門廟門凡賓客

亦如之掃四與反

鄭康成曰門庭門相當之地燎地燭也躡止行者廟在
中門之外賈氏公彥曰惟中門外之庭掌掃若餘門庭
則各有守門者掃之喪紀大喪以下朝廟及出葬時
賓客若饗食在廟燕在寢皆設門燎及躡止行人

寺人掌王之內人及女宮之戒令相道其出入之事而糾
之若有喪紀賓客祭祀之事則帥女宮而致於有司佐世

婦治禮事

相息亮反
道去聲

寺之言侍也內人女御也女官民間婦女服公事於宮中者戒所當禁之事令所當修之職有司春官宮卿之屬

掌內人之禁令凡內人弔臨於外則帥而往立於其前而

詔相之

上文禁令在宮之戒令此則禁其非禮事不得妄出也弔臨從世婦往弔或哭其族親帥之以往詔相其禮非立於其前不可以詔相禮事也

內監掌內外之通令凡小事若有祭祀賓客喪紀之事則為內人蹕王后之喪遷於宮中則前蹕及葬執褻器以從

遣車為去聲 簪獨羽反

內后六宮外卿大夫所通獨小事之命耳給事以其無與為禮出入便疾內人從世婦出為之蹕使無干也喪遷者將葬而朝於廟設器振飾類沐之器遣車載牲體者死者所憑依故執器以從之

九嬪掌婦學之灋以教九御婦德婦言婦容婦功各帥其屬而以時御叙於王所凡祭祀贊玉盞贊后薦徹豆遵若

有賓客則從后大喪帥叙哭者亦如之帥所肆反盞音咨

嬪有德而可賓者之稱德兼內外言中禮之言容禮灋修飾功操作勤慎九御於王親適教先於此而使帥其屬以時御叙進也勸也叙不凌不瀆也御案王齊喪及大荒大札天地有戒國有大故皆出故曰以時御叙明非時則不御也思按王者修身蓄德不以女寵為事以時御叙有許多慎戒之意而鄭康成誤以為當

夕考占干致悔經義決不可從也玉盃玉敦盛黍稷器
賈曰曰后無外事惟有宗廟之祭祭時男子設俎婦人
設豆邊簋簋執而授后后設之其薦與徹皆九嬪贊之
也賓客唯諸侯來朝王饗之於廟后當助王饗九嬪從
后往叙哭后哭眾乃次
叙哭亦九嬪帥之也

世婦掌祭祀賓客喪紀之事帥女官而濯摺為齎盛及祭

之日泣陳女宮之具凡內羞之物

摺古變反

執箕帚以事人者謂之婦婦人有廣嗣之義故曰世婦
與春官世婦別賈氏公彥曰所掌祭祀謂祭宗廟賓客
謂饗諸侯於廟喪紀謂大喪朝廟設祖奠與大遣奠時
摺拭也為差擇之女宮之具凡女酒女邊女醢女醢女
鹽女羈女府女史以及女館凡有職於陳饋之事者所
為皆謂之內羞鄭氏鈔曰濯灑以致潔差擇以致精先
王之置世婦豈徒奉左右以為悅哉其所掌者重矣劉
氏執中曰王與后之賓客祭祀喪紀外有百執事各帥

屬盡職非不可以備物致誠也必使九嬪世婦躬從其事又俾女御從而觀焉蓋所以使知事上之道盡誠盡禮之為此關雎之后妃召南之夫人立教於前而周官所以帥而習之於後

弔臨于卿大夫之喪

王后所不親弔則使世婦往弔大夫之喪蓋勲舊懿親之屬

女御掌御叙于王之燕寢以歲時獻功事凡祭祀贊世婦大喪掌沐浴后之喪持鬋從世婦而弔于卿大夫之喪所

甲反

燕寢王不就后宮息時帷薄之間聖賢修身立命即基於此王者至尊自不能限以常制然必有慎戒之凜如齊喪凶荒裁疾及寒暑厲氣風雨震電之類皆當修省戒避此女御所以有御叙之職也功事絲枲成功之事

贊世婦助其帥泣女宮大喪后喪也沐浴用潘浴用湯始死沐浴之於南牖下娶棺飾也持之持而坐於柩車象生時侍從從世婦弔若使者之介也

女祝掌王后之內祭祀凡內禱祠之事掌以時招梗禴禳

之事以除疾殃梗古猛反禴古外反禳如羊反

鄭康成曰內祭祀六宮之中窻門戶禱疾病求瘳也祠報福招招至梗不通人或非禮誤犯鬼神以致疾殃若自招之而使為梗也則有禴禳之事禴如刮去之禳解釋之也蓋人在天地氣化之中鬼神體物而不可遺即聖人未嘗謂我德已修非天地鬼神所能禍福也但修其在己不求福而已若謂必可免禍則無是心常人德未必如聖人言行動靜誤有觸犯亦或有之况女流乎故聖人立女祝以掌其事而凡非禮之祀亦必禁之矣

女史掌王后之禮職掌內治之貳以詔后治內政逆內宮

書內令凡后之事以禮從

劉氏執中曰女史蓋擇嬪御之賢者為之鄭氏鏐曰天子有史官左記言右記動后與王同體言動不謹則無以舉天下之內治故有女史王氏昭禹曰王后之禮各有所職如祭祀則有薦徹賓客則有獻酬之禮女史掌之庶王后非禮不動鄭康成曰內治之灋本在內宰書而貳之逆鈞攷六宮之計賈氏公彥曰書令書而宣布於六宮以禮從執禮書以從

典婦功掌婦式之灋以授嬪婦及內人女功之事齋凡授嬪婦功及秋獻功辨其苦良比其小大而賈之物書而樹

之以共王及后之用頒之于內府齋音咨苦音古賈音嫁樹其謁反

典婦功猶今之司織造者婦人無事則易逸樂驕淫故督以婦功婦式婦事之模範灋用財之舊數嬪婦民人

之任女事者外工也內人內工也事齋治事之費實請
計其直楬謂書其實頒于內府其成於內人者則以共
王及后之用成於外
工者則以共邦之用

典絲掌絲入而辨其物以其賈楬之掌其藏與其出以待
興功之時頒絲于外內工皆以物授之凡上之賜予亦如
之及獻功則受良功而藏之辨其物而書其數以待有司
之政令上之賜予

后宮所蠶之絲後宮用爲祭服其歲貢若兗州漆絲青
州絲臬則入典絲楬其賈將以爲授宮獻功之程興功
之時若溫煖宜縑帛清涼宜文繡外工外嬪婦內工內
人以物授之若縑帛則授以素絲文繡則授以絲絲賜
予貴賤不同亦皆以其物授之良功功之美者
有當用絲者上
所賜予皆於是取之

凡祭祀共黼畫組就之物喪紀共其絲纁組文之物凡飾

邦器者受文織絲組焉歲終則各以其物會之

纁音曠

白與黑色為黼雜飾五色為畫就者采色一成物者絲之物色黼畫以為衣服組就以為冕旒絲纁絲絮以俟絕氣組文青赤色所以繫屨也邦器如茵席旃旗之屬文織以文為織絲組以絲為組會者各以其所飾之物別而計之

載於簿

象掌布總縷紵之麻草之物以待時頒功而投齋及獻

功受苦功以其賈揭而藏之以待時頒頒衣服投之賜予

亦如之歲終則各以其物會之

縷力羽反紵音佇

縷麻細如絲之名縷綫也古布皆以麻為之紵白而細者麻非一類草葛黃之屬亦非一類投齋投其所為功

之資苦非謂苦惡也指麻草所成者為苦以見出於絲者為良楊其賈者物有等差時頒若冬裘夏葛不可素也亦如之亦以其物投之會之計其出納之數也

內司服掌王后之六服褊衣掄狄闕狄鞠衣展衣緣衣素

沙辨外內命婦之服鞠衣展衣緣衣素沙

褊音暉掄音遙鞠居六反展張

彥反緣或作緣

內司服宮中裁縫之長天子之服九取乎陽數之極王后之服六取乎陰數之中狄當為翟雉名伊雉而南素質五色皆備成章曰褊褊衣畫翟掄狄畫翟闕翟具翟形而不畫三者皆祭服從王祀先王則服褊祭先公則服掄狄祭羣小祀則服闕翟鞠衣畫色告桑展一為禮以禮見王及賓客之服緣衣即緣衣色黑燕居之服其制皆衣裳相連如袍素沙六服皆以素沙為裏婦人以正潔為體故用素

白之沙也鄭康成曰內命婦之服九嬪鞠衣世婦展衣女御緣衣外命婦其夫孤則服鞠衣其夫大夫則服展衣其夫士則服緣衣愚按鄭說亦大概言之以司服之例推之上公九命其服九章至再命受服而止則其妻之服亦當各異衛侯爵也而詩云夫人服翟服展魯亦侯爵也而明堂位言夫人副褙蓋古制不可盡考矣

凡祭祀賓客共后之衣服及九嬪世婦凡命婦共其衣服

共喪衰亦如之后之喪共其衣服凡內具之物衰七雷反

共后之衣服者祭祀共三翟賓客共展衣九嬪世婦謂助后祭祀賓客時凡命婦兼內外命婦言喪衰外命婦為王服齊衰於后無服若九嬪以下及女御於王服斬衰於后服齊衰也后喪所共衣服襲時十二稱小斂十九稱大斂百二十稱內具紛帨線纁鞞裘之屬

縫人掌王宮之縫線之事以役女御以縫王及后之衣服

喪縫棺飾焉衣嬰柳之材掌凡內之縫事

線私見反衣去聲

線縷也女御裁縫王及后之衣服而縫人為役助之役女御為女所役也此與內司服之女御蓋即於八十一人中選充之既成而分入於玉府及外內司服以共也棺飾若存時之帷幕娶方扇柳帷荒也二者皆木材以絲繪衣纏乃後張飾於其上棺飾若喪大記君龍帷之類凡內之縫事不獨王與后之衣服也

染人掌染絲帛凡染春暴練夏纁立秋染夏冬獻功掌凡

染事暴步卜反夏上聲

染人主嬪婦染練之事屬典婦功其他染事屬冬官染而後纁為染絲織而後染為染帛暴練春時陽氣燥達故暴曬其練欲其白而受彩纁絳色夏時熱潤纁元二色易成夏翟也染五色謂之夏秋氣收而不散染五色皆宜獻功纁元與夏至冬功乃成並獻之掌凡染事不特絲帛而已

追師掌王后之首服為副編次追衡笄為九嬪及外內命

婦之首服以待祭祀賓客喪紀共笄經亦如之追都隈反編卑煙反

亦讀

上聲

追治玉石之名副之言覆所以覆首其象若今步繇服之以從王祭祀編編髮為之若今假紵服之以桑次次第髮長短為之即髮鬣服之以見王王后之燕居亦繼笄總而已衡垂於副之兩旁以充耳笄以約髮王后二者皆以玉為之外內命婦助后祭祀賓客則衣鞠衣禮衣者服編衣緣衣者服次自於其家則降焉喪笄則榛笄而又加之以經亦如之亦追師掌之也

屨人掌王及后之服屨為赤舄黑舄赤纁黃纁青句素屨

葛屨辨外內命夫命婦之命屨功屨散屨凡四時之祭祀

以宜服之

屨九裕反 舄西益反 纁衣亟反 句音劬

屨人為屨者連言服者明服各有屨也複底曰舄單底曰屨總底縫之飾句當為紉頭上之飾舄屨皆有之經不言分屬省文也亦舄王黑舄后也赤纁黃纁赤舄之飾青句黑舄之飾也或言纁或言句互文以概之耳素屨非純吉有凶去飾時所著葛屨夏用之命屨隨其命而命之有制不得越也功屨屨之精者散屨功之粗者以上各屨屨人預為之以隨其時與事之宜而服之若夏則葛冬則皮吉祭則赤黑舄功屨喪凶則素屨散屨也

夏采掌大喪以冕服復于大祖以乘車建綏復于四郊

聲大祖之大音泰乘法聲綏作綏如迨反

御案夏制染人秋染夏之義謂以鳥羽飾旌旗之櫓也夏采所掌凡以鳥羽飾物如全羽為旌析羽為旗之

類皆當掌之王巡守會同祭祀必有所共之事郊射或共其獲旌非專掌復也然則掌宇下蓋有脫文大喪以下特其後語耳未有以偶然一見之事而專設一官者王之宮寢內外起居無一不關於冢宰直至君之身終而師保之責猶無已焉此天官之屬所以終於夏采歟

總論人主一身天下所視爲安危也而輔君成德責在冢宰大學意誠心正身修矣而齊治均平各有其要復詳言之其言平天下同好惡矣而理財之外尤重用一個臣蓋與君同體朝夕相依凡人君起居動靜必與知之此天官設官所以佐之以賢士自朝廷之上以及於宮寢之地飲食服用之微皆以官治之而其官之賢否則

冢宰進退之是以人主不失安富尊榮之素而亦不得有縱情恣欲之爲所以慎防於幾微者制綦詳而意極周矣而其本原則自諭教之時師保凝承所以導之中正而養其至德者非一朝夕然後臨御以後能擇大賢而爲冢宰又能尊信不惑官府內外官屬惟其所謂賢否而去取之主臣一德一心此唐虞三代所以身修家齊而平治天下者也周公慮後世人主之自肆自怠而明此設官之義以垂教然若無正本清源之學則雖如此經所言以設官亦不能致治也又况毀此成灋以便

其私乎然則大臣專擅小臣便佞宮寢荒娛歷代變亂
之由豈不以君德不明之故哉讀此書者其必思正心
修身如何豫立其誠而後可也